



類函
三九



卷八
二式設官
二
八
三式設官
三
八
四式設官
四

加3
427
89



門 4 3
卷



新念圖書

此係明治
八年八月
廿八日
諸田一
山田
君以贈
所購以贈

新念圖書

淵鑑類函卷八十二

設官部二十二

工部尚書
員外郎附

侍郎附
屯田郎中

工部郎中
員外郎附

虞部郎中
六部監門

員外郎附
六部架閣

水部郎中
六部司務

員外郎附

工部尚書一

侍郎附

原杜氏通典曰周禮冬官其屬有考工掌百工之事曰國有六職百工是其一焉漢成帝初置尚書有民曹主凡吏民上書後漢光武改民曹主繕脩功作鹽池園苑魏置左民尚書亦領其職晉宋以來有起部尚書而不常置每營宗廟宮室則權置之事畢則省以其事分屬都官左民二尚書北齊起部亦掌工造屬祠部尚書後

周有冬官大司空卿掌五材九範之法其屬工部中大
夫二人承司之事掌百工之籍而理其禁令至隋乃有
工部尚書統工部屯田二曹蓋因後周工部之名兼前
代起部之職唐龍朔二年改工部尚書為司平太常伯
咸亨元年復舊武后改工部為冬官神龍初復舊總判
工部屯田虞部水部事 續文獻通考曰宋制工部判
部事一人以兩制以上充凡城池土木工役皆隸三司
脩造按本曹無所掌元豐官制行尚書工部掌天下城
池宮室舟車器械符印錢寶之事百工山澤溝洫屯田
之政令是時尚書猶未除人紹興三年并少府監歸工

部以文思院屬焉建炎并省將作少府軍器監并歸工
部是時營繕未遑惟戎器方急紹興二年詔於行在別
置作院一所專打造器甲令工部長貳專一提點郎官
逐旬點檢少府監既歸工部文思院上下界監官並從
本部辟差又詔御前軍器所隸工部自是營造稍廣宰
臣議戶部以給財為務工部以辦事為能誠非一體欲
令戶部兼領其事上雖然之卒未能合隆興以後宮室
器甲之造寢稀且各分職掌而起部之務益簡特提其
綱要焉分案六曰工作曰營造曰材料曰兵匠曰檢法
曰知雜舊又專立一案以御前軍器案為名 續文獻

通考曰遼北面以宣徽北南二院掌御前祇應之事視
工部南面工部尚書下並同吏部 金工部尚書一員
正三品掌脩造營建法式諸作工匠屯田山林川澤之
禁江河隄岸道路橋梁之事 元制工部尚書三員正
三品掌天下營造百工之政令凡城池之脩濬土木之
繕葺財物之給受工匠之程式銓注屬院司匠之官悉
以任之中統元年右三部置尚書二員至元元年始分
立工部尚書 明初沿唐宋之制設工部尚書侍郎之
職掌天下百工山澤之政令仍屬中書省洪武十三年
革中書省陞六部每部分四子部工部屬有四曰營部

曰虞部曰水部曰屯部二十九年改營部為營繕虞部
為虞衡水部為都水屯部為屯田俱稱清吏司永為定
制工部尚書侍郎即大小司空之職其改置北京肇自
永樂辛丑其總督易州山廠肇自宣德五年嗣後或改
置沙魚口清縣尚書侍郎主事實多至嘉靖六年尚書
劉麟議題裁革不設 **原**杜氏通典曰侍郎隋煬帝改
置工部侍郎唐因之龍朔二年改為司平少常伯咸亨
元年復舊他時曹名或改而官不易掌興造工匠諸司
公解屋宇五行並紙筆墨等事 **增**文獻通考曰宋侍
郎南渡初長貳互置隆興詔各置一員 續文獻通考

曰遼南面工部侍郎同吏部 金工部侍郎一員正四
品 元制工部侍郎二員 明工部左右侍郎各一人
易州廠侍郎一人

工部尚書二

增左傳曰爽鳩氏司空也 周書曰司空掌邦土居四
民時地利 尚書大傳曰溝瀆壅遏水為民害田廣不
墾則責之司空 白虎通曰司空主土不言土而言空
空尚主之况於實乎 環濟要略曰冬官司司空掌邦事
營城郭都邑立社稷宗廟造瑩宅器械監百工 木典略
曰禹為司空披九山通九澤決九川使各以其職來貢

地方五千里至於荒服 尚書刑德考曰禹長於地理
水泉九州得括象圖故堯以為司空 類要曰工部尚
書周之冬官卿也 齊職儀曰宋以武公之諱改司空
為司成楚改司空為莫敖 家語曰孔子初仕為中都
宰二年定公以為司空乃別五土之性而物其所生之
宜咸得厥所 隋書曰長孫平字處均為工部尚書名
為稱職時有人告都督邴紹非毀朝廷為憤憤者上怒
將斬之平諫曰川澤納汙山岳藏疾臣願陛下以山海
之量茂寬裕之德於是赦紹 宋周平園集張忠簡公
闡擢工部尚書兼侍讀初上用真宗故事命經筵官二

員遞宿學士院朝夕宣召商榷古今諮訪政事公入對
尤數知無不言屢引疾丐閒上曰朕所以知外事皆賴
尚書相從已久忍言去耶 元史曰吳元珪字君璋遷
工部尚書連年水旱五穀不登元珪言春秋之義以養
民爲本凡用民力者必書蓋民力息則生養遂 明獻
徵錄曰杜銘遷工部尚書故事拜尚書者率上疏禮辭
公曰事君貴誠虛讓非禮也獨不辭 又曰秦達陞工
部尚書帝以古帝王廟地界通衢褻而不嚴乃徙建於
欽天山之陽達奏廟功成自三皇五帝繼以三代兩漢
唐宋元勲碩德比侔者列像於庭袞冕輝煌上甚嘉之

以上尚書

唐書曰李栖筠字貞一爲工部侍郎關中舊仰
鄭白二渠溉田而豪戚壅上游取磴利且百所奪農用
十七栖筠請皆撤毀歲得租二百萬民賴其入 山堂
肆考曰宋太祖重惜名器時錢昱自白州刺史求文資
得祕書監遷工部侍郎太祖以其連典數郡無治聲謂
宰相曰此貴家子不可以任丞郎改遷郢州團練使
金史曰張九思字全行改工部侍郎所守清約然急於
進取一切以功利爲務率意任情不卹百姓 元史曰
董文用字彥材丞相安童奏爲工部侍郎代紇石里紇
石里阿合馬私人也其徒旣讒間安童罷相即使鷹監

奏曰自紇石里去工部侍郎不給鷹食鷹且瘦死帝怒
促召治之因急捕文用入見帝望見曰董文用乃為爾
治鷹食者耶置不問 明獻徵錄曰趙榮字孟仁景泰
中遷工部侍郎張秋河決命榮董治之卒復故道天順
初陞本部尚書曹欽犯關榮率子弟助官軍致討兼大
理卿 又曰張達弘治中擢工部右侍郎純樸不事表
飾晚年言官有論其禮儀麤率者達方對客聞之笑曰
我固麤率人言者之論諒哉其性度渾厚類如此 又
曰趙璜字庭實擢工部侍郎奏毀鎮國府元明宮及諸
權妓廬舍以備國用陞本部尚書以上侍郎

工部尚書三

增共工 宏父 虞書帝曰疇若子工命曰垂哉帝曰俞

宅百揆 居四民 虞書咨四岳有能奮庸熙帝

工居一 唐書司空掌邦土居四民時地利 屬有四

巧過人 名稱職 陳書曰

惟敘百工 尤難六

職記室新書曰五材是宜百工惟敘城郭都鄙定其規

尤難六職 樂賢下士 率屬程工 唐書曰于休烈

治產業樂賢下士推轂甚眾 白居易固不專於率四屬

尚書漢公卿也言動可否屬人耳目固不專於率四屬

設官部 工部尚書

程百工修位
 於冬官而已
 官當元武
 屬以文思
 唐張鷟集曰位
 在司空之任
 虞舜之代伯禹
 統其班成周
 之朝毛公處
 其位山堂肆考
 曰宋紹興三年
 并少府監歸工
 部以文思院太
 平興國三年
 置蓋造金銀犀
 文思院屬焉
 按文思院素裝
 細之飾以供輿
 輦冊寶法犀
 玉工巧之物
 金絲繪素裝
 細之飾以供輿
 輦冊寶法犀
 物自輸工部
 監官乃令工部
 碎差於工
 功役齊舉民
 禦惟當徒民
 以避其衝璋
 曰不然天災
 流行非人力
 所能禦惟當
 徒民以避其
 衝璋曰不然
 天災流行非
 人力所能
 今河決者土
 不勝水也
 俟秋冬之交
 水勢稍殺
 以漸興
 築庶幾可塞
 明年春璋齋
 戒禱於河
 功役齊舉
 河乃復
 故庶幾可塞
 明年春璋齋
 戒禱於河
 功役齊舉
 河乃復
 為利用民受
 賄率先給
 而故緩其
 入點賈者
 因據以
 非義不可干
 雖老尚可用
 唐李直自
 後樊頓革
 內剛烈不可
 干以非義
 獻徵錄曰
 龔弘字元
 之成化
 進士武宗南
 巡江彬沿途
 索賂弘時為
 副都御史一
 無

所與因譖弘
 老上曰弘雖
 請酌緩急
 惡輕改作
 潤躬勤省
 閑宿弊盡
 祛迺請酌
 緩急為先
 後上欣納
 之
 惡輕改作
 常曰後生
 少年輕舉
 妄動利未
 至而害先
 之
 國家何賴
 焉人以爲
 得中書資
 有宰相望
 唐書云
 確論何資
 之計唐李
 栖筠傳云
 字貞一為
 工部侍郎
 魁
 然有宰相
 望條上十
 事力陳六
 害簡公堂
 肆考曰宋
 張忠
 上給札侍
 從臺諫條
 具時務公
 上十事時
 應詔數十
 人
 惟公與國
 子司業王
 十朋指陳
 實事斥言
 權倖詔無
 所回
 隱明曰上
 召兩人對
 殿大加稱
 賞賜酒者
 再面授
 書各一軸
 又曰孝宗
 時金人復
 以書來求
 地帝以付
 張浚浚言
 金強則來
 弱則止不
 在和與不
 湯思退
 我耶直敘
 我耳力陳
 六
 害不可許
 以上侍郎
 設官部
 附監員名卷八十一
 工部尚書

工部尚書四

曾貴而能貧唐韓愈送鄭尚書序云鄭公嘗以節鎮襄陽又帥滄景德棟歷河南尹華州刺史皆

有功德可稱道入朝為金吾將軍散騎常侍工部侍郎

尚書家屬百人無數畝之宅儼屋以居可謂貴而能貧

仁者不富

使造傀儡唐太宗段綸為工部尚書奏徵巧匠

本求巧工以供用今先為戲具豈百

工相戒毋作淫巧之意耶乃削綸階

求贍姬妾唐鄭權家多姬妾祿薄不能贍

曰唐穆宗時工部尚書鄭權家多姬妾祿薄不能贍

因鄭注通於王守澄以求節鎮遂得嶺南節度使

兄弟代為翰苑新書曰唐閣立本代兄立德為工

部尚書兄弟相代為八年座時人榮之

斥佞人編年備要曰宋元符三年曾布入相御史中丞

豐稷欲率臺屬論之遂遷稷工部尚書稷力丐

補外不允其謝表中內侍已成於怨府佞人方列於

奏章之語上問佞人為誰曰曾布陛下斥布則天下事

矣定

晝夜倍功元史曰唐仁祖字壽卿遷工部尚書時

丞相桑哥秉政以曹務煩劇特重困之

考工部織課稍緩遽命直吏拘往督工且促其期曰違

期必致汝於法仁祖召諸署長從容諭曰丞相怒在我

不在爾也汝等勿懼宜力加勉眾

鄭善果其著勞績

皆感激書夜倍其功期未及而辦

唐新語云鄭善果為工部

尚書正身奉法甚著勞績

孫德淵恐傷名教孫德淵曰

字子深貞祐二年拜工部尚書是時山東乏兵食有司

請鬻恩例舉人居喪者亦許納錢就試德淵奏此大傷

名教事

同領均分為南工部尚書孫需字孚吉武宗時起

遂寢

浮冗多耗民財先是諸營建給領料價率匠魁專之粒

部事者或與為市故羣匠無所得而工不可完需令匠

魁及羣匠同領而均

制八輪車又曰毛伯溫陞工部

分及羣匠同領而均

山工程諸陵石柱道遠車摧勞費千萬公以意制八輪

車前後聯絡隨地險夷為低昂工作易就上聞之喜賜

繡囊銀勺各一

起曹制曰起曹書殿兼而委之

以上尚書

百工典制惟時命汝典制

設官部

百工典制惟時命汝典制

首言典學

工部尚書

楊龜山時為工

部侍郎入對首

言自古聖賢之君未有不以典學為

紀綱繕脩之政

務以君德在是故也尋命兼侍講

侍郎中第一人

曲阜行制曰疇若子工汝往為允汝

侍郎中第一人

其紀綱繕脩之政杜塞淫巧之作

侍郎中第一人

獻徵錄曰陳壽為工部侍郎嘗啓事退

稱冬曹大臣

上目送之顧侍臣曰此侍郎中第一人

稱冬曹大臣

又曰陸杰晉工部侍郎御札論問稱

稱冬曹大臣

曰冬曹大臣而不名

稱冬曹大臣

工部尚書五

增箴明宣宗工部箴曰虞舜之世垂若百工暨於成周

乃設司空漢置水衡將作少府備物致用必謹其度我

朝建官列次六卿率屬有四各底於成凡諸繕作儀品

有秩辨其楛良去華就實凡厥有位宜慎其官順理而

治勿苛以殘山澤之利羽毛齒革金鑛丹漆暨木與石

為所當為毋耗於材逸所當逸毋殫其力毋縱已私縱
則召蓄毋溺於賄溺則取敗必祇必勤必施以公百役
具宜惟爾之功其懋敬哉視古仁智率履勿愆用保祿
位

增制唐中宗授張錫工部尚書制曰明光畫省務總樞

要建禮仙門職惟喉舌尚書左丞張錫白虹良寶紫電

雄鋒家傳鵲印之祥世襲貂冠之緒文道吐鳳思縟騰

蛟質映南金材逾東箭自提綱左轄立帷中臺奏郭奕

而無慙射崔洪而不愧紫樞佇俊彤管須賢宜陞賜劔

之榮式表委珠之潔 白居易授韋貫之工部尚書制

設官部

制監類為卷八十二

工部尚書

九

曰善馭者齊六轡善理者正六官六官成則百事舉故
吾選賢任舊次第補之而六卿之材吾已得五闕一不
可待汝而成汝貫之以正行明誠為先朝輔道有消長
德無緇磷及帥湘潭尹河洛廉平清一之政繼聞於京
師宜置朝右以鎮厚時風况今之尚書漢之公卿也言
動可否屬人之耳目焉固不專於率四屬程百工備位
於冬官而已 常袞授蔣渙工部侍郎制曰夫任賢之
急在適於事要當其才難豈限階序况中臺政本司舉
舊章六卿貳職為今盛選具官蔣渙忠信孝友周而不
器得元和之純能以禮節有至靜之妙豈因物遷溢聲

華於文藻潤理體於經術中外之秩備更要重不失其
正行之有恒自分貂蟬之列喻公卿之旨入告嘉猷直
而不訐常執德於沖約亦忘情於進趨勤職已久所宜
懋能百工惟時命汝典制

工部郎中一

員外郎附

今設營繕司

原杜氏通典曰工部郎中按晉尚書有起部曹歷代皆

有

具尚書中

隋初為工部侍郎煬帝除侍字又改為起部郎

武德三年改為工部郎中龍朔二年改為司平大夫咸
亨元年復舊其後曹名改而官不易所掌與侍郎同
員外郎 隋文帝置工部員外郎煬帝改為起部承務

設官部

計監領多未入

工部郎中

郎武德三年復為工部員外郎其後曹改而官不易

唐六典曰工部郎中員外郎掌經營興造之眾務凡城

池之脩濬土木之繕葺工匠之程式咸經度之 職員

令云工部郎中掌興造工匠諸廨舍宇五行紙筆之事

唐國史補云開元以後位卑名著者杜工部 合璧

事類曰唐蔣係遷工部郎中宰相宋申錫為北司羅織

罪在不測係與諫官崔元亮泣諫於玉階之下方得減

死時論稱之 文獻通考曰宋郎中舊制凡製作營繕

計置採伐材物按程式以示有司則郎中員外郎參掌

之建炎三年詔工部郎官兼虞部屯田郎官兼水部隆

興元年詔工部屯田各一員兼領自此四司合為一矣

宋范杲以工部郎中知制誥 續文獻通考曰遼南

面工部郎中員外郎並同吏部 金工部郎中一員從

五品員外郎一員從六品主事二員從七品 金史曰

完顏綱字正甫明昌中轉工部郎中上言太府監官兼

尚食局官乞於少府監依此例注能幹官一員兼儀鸞

局官儀鸞局官一員兼少府監官相須檢治從之 續

文獻通考曰元工部郎中二員員外郎二員品秩與吏

部同主事五員 明工部營繕清吏司郎中一人員外

郎一人主事二人掌經營興造之事以贊尚書凡宮殿

設官部

洪鑑類考卷八十二

工部郎中

陵寢城濠壇場祠廟廨署倉庫營房之役鳩工會財以時督之鹵簿儀仗樂器省其堅潔而董其窳濫凡撮工歇工視役煩省節其財力說聽曰工部居六曹後仕進者冷局視之嘉靖間興大工添設郎官數倍營繕司尤盛郎官多至十餘員得驟升京堂或有先賜四品服者人始慕之而為語云馬前雙馬後方督工郎雙者棍方者杙也獻徵錄曰陸祥擢工部郎多巧思嘗用玉一方寸許刻鏤為方池以獻凡水中所有魚龍荇藻之類皆備曲盡其巧

工部郎中二

增兼史職

知制誥

唐蔣係遷工部員外郎又遷本司郎中皆兼史職

香思粉署

泣諫玉階

杜詩馨香粉署如註公時乃工部員外郎不能詣省徒想

其官署之妍美耳下見前一

官曹為劇

郎選甚高

曲阜除張元

今之高選上官號為劇曹南豐行范子奇制云

官室城墉程匠度材之事郎於起部其選甚高

司

帳籍

辟幕府

元稹授羅讓工部員外郎一人以司其曹之

帳籍

杜甫有詩名元宗朝以獻朝享太清宮賦拜官

行在拜左拾遺因房瑄罷相甫諫不納請告省家後嚴

武辟為幕府拜工部員外郎劔南西川節度府參謀官

工部郎中三

增詩唐王建贈工部郎中詩曰金鑪煙裏要班頭欲待

歸山可自由每度報朝愁入閣在先教示小千牛

設官部

州監領名表八十二

工部郎中

增制唐錢珣授京畿制置使判官兼中丞賜紫李巨川
工部郎中制曰具官李巨川夫彊學者始自為已移於
事人君齊美儒先登志士之場優入羣書之域中權之
佐前者實高多務講論直歸翼戴爾所自比我能知之
推共獎王室之心慕不以兵車之力文翰之樂迅捷若
飛雖觀者已煩而作者甚暇陪臣盡善賢帥盛稱上既
策勳下難遺賞且陞郎位如事所知理在庶官勉興墜
典常聞好古當念陟明 蘇頲授李全昌工部員外郎
制曰具官某措懷條暢臨事明允執憲繩違以文從吏
五材審用百工為職握蘭之美賜筆攸歸 元稹授羅

讓工部員外郎制曰昔陶弘景一代高人始願四十為
尚書而猶不遂國朝選署尤用其良以爾讓敏而好學
直而能溫甲乙亟登班資歷踐頃將軍辟士權資孫楚
之坐籌今會府掄材復獎馬宮之射策無忘辨護以宣
程品日省月試用勸百工

屯田郎中 員外郎 今屯田司

原杜氏通典曰屯田郎中按漢成帝置尚書郎四人其
一人主戶口墾田蓋尚書屯田郎之始也至魏尚書有
農部郎又其職也至晉始有屯田尚書及太康中謂之
田曹後復為屯田江左及宋齊則左民郎中兼知屯田

設官部

增補類名卷八十二

屯田郎中

三

事梁陳則曰侍郎後魏北齊並為屯田郎隋初為屯田
侍郎兼以掌儀武之事隋書曰柳或為屯田侍郎時以
三品以上皆列戟左僕射高穎
子弘德封應國公申牒請戟或判曰僕射之子更不異
君父之戟榮已列門外尊有厭卑之義子無避父之禮
豈有外門既設內閣又施煬帝除侍字武德三年加中
字龍朔二年改為屯田大夫咸亨元年復舊掌屯田官
田諸司公解官人職分賜田及官園宅等事 員外郎
改置與戶部員外郎同 **增**北史曰齊裴讓之十七
舉秀才為屯田郎中讓之弟讞之謀之訥之諷之並清
立楊愔每云河東士族京官不少裴讓之兄弟都無鄉
音 南部新書曰省中司門都官屯田虞部主客皆聞

簡無事諺曰司門都官屯田水部入省不數 六典云
屯田郎中員外郎掌天下屯田之政令凡軍州邊防鎮
守轉運不給則設屯田以益軍儲其水陸腴瘠播植地
宜功庸煩省收率等咸取決焉諸屯田役力各有程數
文獻通考曰宋屯田掌凡屯田營田職田學田官莊
稻田塘灤堤堰之事 翰苑新書曰屯田判司事一人
以無職事朝官充凡屯田之政令隸三司本司無所掌
元豐改制郎中員外郎始實行本司事 合璧事類曰
宋柳永字耆卿識音律工小詞遊諸內侍門為屯田員
外郎未有差遣會太史奏老人星見時秋霽宴禁中仁

設官部

增監類為卷八十二

屯田郎中

十四

宗命左右召詞臣為新樂章內侍屬永應制冀因緣進
用永以小詞擅名天下欣然走筆甚得意比進呈上見
首有一漸字色若不悅讀至中乃與御製真宗挽詞暗
合上慘然乃擲於地自此不復進用然至今天下稱為
柳屯田云 續文獻通考曰明工部屯田清吏司郎中
一人員外郎一人主事二人掌屯農墳塋抽分薪炭夫
役之事以贊尚書 明獻徵錄曰李堂歷營繕司員外
郎調屯田司詔脩會典委造工典文冊史館所用不遺
增制唐劉禹錫授屯田郎中制曰詩云雨我公田遂及
我私蓋美大田之盛思賢主之詩人必先公而後私者

借力而耕其來尚矣周以司徒隸職漢以侍郎訓田今
則務切如雲任專列宿總於豫政克藉公才 賈至授
宋晦屯田員外郎制曰具官某質性溫敏行能詳實再
策名於霜簡久更事於輜軒理必有常條而不紊禮闈
舉直郎署求才俾迴秋憲之威以佐冬官之屬

虞部郎中

員外郎

附 今虞衡司

原杜氏通典曰虞部郎中按虞部蓋古虞人之遺職至
魏尚書有虞曹郎中晉因之梁陳曰侍郎後魏北齊虞
曹掌地圖山川遠近園囿田獵雜木等並屬虞部尚書
後周有虞部下大夫一人掌山澤草木鳥獸而阜蕃之

又有小虞部並屬大司馬隋初為虞部侍郎屬工部煬
帝除侍字武德中加中字龍朔二年改為司虞大夫咸
亨元年復舊天寶十一年又改虞部為司虞至德初復
舊掌京城街巷種植山澤苑囿草木薪炭供須田獵等
事員外郎隋初置曹與戶部員外郎同龍朔以後
曹名改而官不易增六典曰虞部郎中員外郎掌天
下虞衡山澤之事辨其時禁凡採捕畋獵必以其時
山堂肆考曰唐崔沔拜中書舍人時母有疾在東都沔
不忍捨因請閒官以申侍養由是改虞部郎中 文獻
通考曰宋虞部掌凡山澤苑囿畋獵取伐木石薪炭藥

物之屬屏絕猛獸毒藥及茶礬場鹽池井金銀銅鐵鉛
錫坑冶廢置收採之事翰苑新書曰建炎三年詔工
部兼虞部續文獻通考曰明工部虞衡清吏司郎中
一人員外郎一人主事二人掌山澤採捕厲禁陶冶之
事以贊尚書獻徵錄曰劉汝靖陞營繕員外郎命脩
秦簡王園能以禮裁抑使其國弗軼往度 增
增詩唐王建賀楊巨源博士拜虞部員外詩曰合歸蘭
署已多時上得金梯亦未遲兩省郎官開道路九州山
澤屬曹司諸生拜別收書卷舊客看來讀制詞殘著幾
丸仙藥在分張還遣病夫知

唐白居易授李翱虞部郎中制曰具官某雅有文藝飾以政事早從吏職久領郡符謹慎廉平頗副所任虞曹郎缺命以序遷敬茲寵命勉守厥位孫逖授劉繹虞部員外郎制曰具官某緒業清華行能脩飭表通明於吏跡持雅正於公心幕府徵才久聞成效星臺列位宜膺俊選

水部郎中

員外郎

今都水司

原社氏通典曰水部郎中按周禮夏官有司險掌設國之五溝五塗而達其道路蓋其職也魏尚書有水部郎歷代或置或否後魏北齊有水部屬都官尚書亦掌舟

船津梁之事後周有司水大夫隋初為水部侍郎屬工部煬帝除侍字武德三年加中字龍朔二年改為司川大夫咸亨元年復舊天寶中改水部為司水至德初復舊掌川瀆津濟船艦浮橋渠堰漁捕運漕水碾磴等事員外郎後周小司水上士隋改置與戶部員外郎同龍朔二年以後曹名改而官不易六典曰水部掌天下山瀆陂池之政令以導達溝洫堰坎河渠凡舟楫漑灌之利咸總而舉之梁書曰劉孝綽兼尚書水部郎奉啓陳謝手敕答曰美錦未可便製簿領亦宜稍習山堂肆考曰唐員半千五遷正諫大夫兼控鶴內

供奉半千上言控鶴之職古無其事又授斯任者率多輕薄非朝廷進德之選疏請罷之由是忤旨左遷水部郎中李餘慶詩省中官最美無似水曹郎 舊唐書曰張文瓘遷水部員外郎時兄文琮爲戶部侍郎舊制兄弟不許並居臺閣遂出爲雲陽令 文獻通考曰宋水部凡川瀆河渠津梁舟楫運漕水碾磴凡隄防疏濬之政令皆掌之 續文獻通考曰明工部都水清吏司郎中一人員外郎一人主事二人掌川瀆陂池泉灤洪淺道路橋梁舟車織造券器衡量之事以贊尚書 獻徵錄曰屠勳字元勳成化中授工部都水主事分司清江

浦督脩運舟持廉秉公通融物力未幾百度具興有題詩驛亭以美其事者

增詩唐鄭谷寄前水部賈員外嵩詩曰謝病別文昌仙舟向越鄉貴爲金馬客雅稱水曹郎白鷺同孤潔清波共渺茫相如辭賦外騷雅趣何長

增制唐薛廷珪授河中節度判官溫緒水部郎中制曰天子省方藩后述職睦鄰事大允執厥中偃革崇儒行成於內我知之矣彼有人焉具官溫緒懿祖考爲朝廷大臣偉望威名皆烜赫信史而爾砥節礪行脩詞立誠抱終身之憂脫屣科第使四方之志服勤官途束帶公

朝曳裾侯府刃有餘地人無間言朕以釁結萑蒲兵纏封域藏書之府煨燼罕存爰委藩宣爲我採撫而爾能奉綸旨來貢之書欲以先王之格言廣我視聽思列聖人之行事規我怠荒實嘉乃心斯驗夙志爾帥具舉予其懋遷陞之文昌授以清署用酬稱職以勸事人凡百賓階無忘幕畫 蘇頌授王琪水部員外郎制曰具官某奕代儒雅門傳教義風襟育粹詞韻含清雖職尚安卑而才方致遠連枝席寵爰映於棣華起草陞榮俾光於蘭握

六部監門

文獻通考曰六部監門官一員古無之宋渡江後紹興二年置選陞朝文臣有才力人充仍令六部蹋逐奏差序位請給依寺監丞郎官有關得兼之初從吏部尚書沈與求之請也 朝野雜記曰尋詔依尚書左右選遷注內遷則爲寺監丞或擢郎外除至有爲諸路總領者乾道後補外止爲州內遷止爲寺監簿選浸輕矣 **增**記宋陳國袁六部門官廳壁記曰乾道登號之七年厥旣庶職咸理趣平治上思以固其勤也有詔百執事卯而入盡未而退小大之吏罔不惟上訓是迪無或敢有佚豫而六部實天下政事之樞綱目要領闔闢在是

故奉詔益嚴非他攸司比也凡部官卯未之出入疾病之暫告與其謁制之可否悉聞之部門部門受其出入之時以聽上稽訪門之司存蓋至是而愈重矣又陸竣續記曰國家官人以身儲才有地其始進而需用於部者有二焉絲京秩則為門官絲小選則為架閣二官資歷雖殊職閒無事則相似大抵不以才用而以才選也

六部架閣

增文獻通考曰主管架閣庫掌諸藏帳籍文案以備用擇選人有時望者為之舊有管幹架閣庫官宣和罷之

紹興十五年復置吏戶部各差一員禮兵部各差一員刑工部各差一員以主管尚書某部架閣庫為名從大理寺丞周楸之請也劉後溪曰杜莘老字起莘以珍南一教授客中都見九重方更化因上書執政執政偉其說薦為六部架閣明年彗見東方公奏對直論當世之故語益切直續文獻通考曰金尚書省架閣庫大定二十一年六月設仍以都事提控元左右部架閣庫管勾二員掌六部文卷簿籍架閣之事後并為一員**增**記宋李大異六部架閣庫題名記曰古昔以來圖籍為重是官之建實謹其藏其任似周司書其選似漢掌

設官部

續文獻通考卷八十一

六部架閣

故可以考閱故新尋緒本元所謂若緩而急者嘗試以
 舊章參之今日雖或稍異而其歸則同舊制官庀其司
 置於六部之內或遇其廢則以省郎兼之否則以監六
 部門兼之迨於紹興寺監簿正官俱復然始庀司於外
 一也舊制金耀門文書庫多藏三司帳籍三司今版曹
 也自銓曹而下儲藏帳籍之所未之詳焉其後置六部
 架閣庫下大抵成案留部二年然後昇而藏之又八年
 則委之金耀今金耀無復曩日則悉藏於架閣庫二也
 二者不同而至於諸曹二十四司之文書盡歸儲蓄以
 待有用則今猶昔也

六部司務

增按司務古無此官 續文獻通考曰明六部各設司
 務二人吏部司務主省署抄目受發文移五日一奏上
 三月引監生勤奏登選諸司務皆如之

淵鑑類函卷八十二

淵鑑類函卷八十三

設宮部二十三

中書總載

中書監

中書總載一

中書侍郎

杜氏通典曰中書之官舊矣謂之中書省自魏晉始
 焉梁陳時凡國之政事並由中書省省有中書舍人五
 人領主書十人書吏二百人書吏不足并取助書分掌二十一局
 事各當尚書諸曹並為上司總國內機要而尚書唯聽
 受而已被委此官多擅威勢後魏亦謂之西臺宣武帝
監崔光曰卿是北齊中書省管司王言并司進御之樂
 及清商龜茲諸部伶官隋初改為內史省置令二人侍

設官部

淵鑑類函卷八十三

中書總載

郎四人煬帝減侍舍人八人煬帝減去四人通事舍人十六人
煬帝加起居舍人而改通事舍人為謁者臺職唐武德
三年復中書省龍朔二年改為西臺咸亨初復舊光宅
元年改為鳳閣凡中書官隨署各改神龍初復舊開元元年改為
紫微省五年復舊時謂尚書省為南省門下中書為北
或通謂令二人侍郎二人舍人六人左右散騎常侍起
居舍人左補闕右拾遺各二人通事舍人十六人其餘
小吏各有差 **禮**文獻通考曰宋制中書省在左掖門
外西面北廊掌進擬庶務宣奉命令行臺諫章疏羣臣
奏請興創改革及中外無法式事取旨者凡除省臺寺

監長貳以下及侍從職事官外任監司節鎮知州軍通
判武臣遙郡橫行以上除授皆掌之凡命令之體有七
曰制書曰制書曰誥命曰詔書曰敕書曰御劄曰敕榜
皆承制畫旨以授門下省令宣之侍郎奉之舍人行之
留其所得旨為底大事奏稟得旨者為畫黃小事擬進
得旨者為錄黃凡事於因革損益而非法式所載者論
定而上之設官十有一令侍郎右散騎常侍各一人舍
人四人右諫議大夫起居舍人右司諫右正言各一人
分房八曰吏房戶房兵禮房刑房工房生事房班簿房
制敕庫房元祐後析兵禮為二增催驅點檢分房十有

一又改生事房為開拆 續文獻通考曰宋度宗咸淳

九年置機速房於中書以革樞密院泄漏兵事稽遲邊

報之弊 按舊宰相繼以門下省而主封駁之事其給事

寶皆屬官也宋自紹興中廢門下省而元因之故今繼

以中書省及其屬官而給事中等官仍附於中書省據

屬之後通事舍人之上其 遼南面中書省初名政事省

太祖置世宗天祿四年建政事省十二年改中書省金

初置中書省海陵正隆元年與門下省同罷元世祖至

元七年議立三省 侍御史高鳴上言臣聞三省設自近

則有駁正或封還詔書議合則還移中書中書移尚書

尚書乃下六部郡國方今天下大於古而事益煩取決

一省猶曰有壅况三省乎且多置官者求免失政也但

使賢俊萃於一堂連署參決自免失政豈必別官異坐

而後無失政乎 明國初設中書省有左右相國洪武九

年改左右丞相左右丞各一人參知政事二人總領衆

職分錢糧禮儀刑名營造四部其屬左右司郎中員外

郎都事各一人中書舍人二十人是年始置吏戶禮兵

刑工六部設尚書侍郎郎中員外郎主事統於中書省

十三年罷中書省止存中書舍人 按周六官廢而秦及

子理萬幾漢設一丞相以御史大夫副之後改曰大司

徒東漢因立司空而權移於尚書令僕自漢至宋其省

或尚書門下中書其長或令或監或僕射其佐或參知

政事或左右丞或侍郎皆真為相而名避之南渡以後

至孝宗正其名曰左右丞相其佐仍曰參知政事元因

之置中書令以皇太子為之左右丞相同品同令平章

政事左右丞參知政事參議高皇帝即位仍置中書

省罷令不設洪武三年革平章政事十三年以丞相胡

設官部

洪武書省

中書總載

惟庸專僭誅之因罷中書省散其柄於六尚書

中書總裁二

龍池 雞樹 上見後侍郎五下伯玉詩 郭頌魏晉

肇心內不平殿中有雞棲樹二人相謂此亦久 西掖

矣其能復幾指謂中書監劉放中書令孫資 應劭漢官儀曰左右

右曹 曹受見後侍郎五劉楨詩 以中書在右因謂中書

為右曹又 紫宸 清禁 上見下伯玉赴中書 西省

稱西掖 內樞 何法盛晉中興書曰范甯拜中書侍郎嵩掌西

將軍丹陽尹王景文夙尚弘簡情度淹粹忠規茂 掖

績實宣國道宜兼管內樞以重其任可中書令 出如綸

垣 綸閣 王珉直中書詩 禮記曰王言如絲其出如綸

又中書職掌綸詰前 代詞人因謂綸閣

中書總裁三

領尚書事 漢舊儀云漢舊置中書官領尚書事 按

者黃門鈞盾尚方御府永巷內者宦者 掌尚書事 漢

百官令丞諸僕射署長中黃門皆屬焉 掌尚書事 漢

中書謁者令署僕射凡宦者之職皆曰中成帝建始四

年罷中書官改中 掌機密 漢舊儀云中書掌詔 掌

書謁者為中謁者 掌機密 漢舊儀云中書掌詔 掌

內事 環濟要略云中書掌內事密 非良才何可斯任

詳中書 非輕才所可獨任 王獻之啓琅邪文孝王為

詔命當否是寄自大晉建國常令宰相參領 中書重職掌

中興以來益重其任故非輕才所可獨任也

詩齊謝元暉直中書省詩曰紫殿肅陰陰彤庭赫弘

設官部 中書總裁

中書總裁四

中書總裁

中書總裁

海鏡類三卷八十三
四
敞風動萬年枝日華承露掌玲瓏結綺錢深沈映珠網
紅藥當階翻蒼苔依砌上茲言翔鳳池鳴珮多清響信
美非吾室中園思偃仰朋情以鬱陶春物方駘蕩安得
凌風翰聊恣山泉賞 唐魏知古春夜寓直鳳閣懷羣
公詩曰拜門傳漏晚寓省索居時昔重安仁賦今稱伯
玉詩鴛池滿不溢雞樹久逾滋夙夜懷山甫清風詠所
思 韋承慶直中書省詩曰清切鳳皇池扶疎雞樹枝
唯應集鸞鷲何爲宿羈雌大造乾坤闢深恩雨露垂昆
蚊既含養鴛駘亦驅馳木偶翻爲用芝泥忽濫窺九思
空自勉五字本無施徒喜逢千載何階答二儀螢光向

日盡蚊力負山疲禁宇庭除闕閒宵鐘箭移暗花臨戶
發殘月下簾欹白髮隨年改丹心爲主披命將時並泰
言與行俱危寄謝登巢客堯年復在斯 唐沈佺期
春夜宿直鳳閣懷羣公詩曰西禁青春滿南端皓月微
千廬宵駕合五夜曉鐘稀星斗橫綸閣天河度瑣闥煙
花章奏裏分向夕郎飛 又酬蘇員外味道夏晚寓直
省中見贈詩曰並命登仙閣通宵直禮闈大宮供宿膳
侍史護朝衣卷幔天河入開牕月露微小池殘暑退高
樹早涼歸冠劍無時釋軒車待漏飛明朝題漢柱三署
有光輝 岑參省中即事詩曰華省繆爲郎蹉跎鬢已

蒼到來恒幙被隨列且含香竹影遮牕暗花陰拂簟涼
君王新賜筆草奏向明光 又西掖省即事詩曰西掖
重雲開曙暉北山疎雨點朝衣千門柳色連青瑣三殿
花香入紫微平明端笏陪鵷列薄暮垂鞭信馬歸官拙
自悲頭白盡不如巖下偃荆扉 錢起春夜寓直詩曰
養性慣雲臥爲郎如鳥棲不知仙閣峻惟覺玉繩低帳
喜香煙暖詩慚賜筆題未央春漏促殘夢謝晨雞 又
和萬年成少府寓直詩曰赤縣新秋夜文人藻思催鐘
聲自仙掖月色近霜臺一葉兼螢度孤雲帶鴈來明朝
紫書下應問長卿才 李嘉祐和張舍人中書宿直詩

曰漢主留才子春城直紫微對花閭闔靜過竹吏人稀
裁詔催添燭將朝欲更衣玉堂宜歲久且莫厭彤闈
白居易中書寓直詩曰繚繞宮墻圍禁林半開閭闔曉
沈沈天晴更覺南山近月出方知西掖深病對詞頭慚
彩筆老看鏡面愧華簪自嫌野物將何用土木形骸麋
鹿心 鄭谷省中偶作詩曰三轉郎曹自勉旃莎隄吟
步想前賢未如何遜無佳句若比馮唐是壯年捧制名
題黃紙尾約僧心在白雲邊乳毛松雪春來好直夜清
閒且學禪 崔峒奉和給事寓直詩曰桂枝家共折雞
樹代相傳忝向鸞臺下仍看鴈影連夜閒方步月漏盡

欲朝天知去丹墀近明王許薦賢 皇甫曾和謝舍人
雪夜寓直詩曰禁省夜沈沈春風雪滿林滄洲歸客夢
青瑣近臣心揮翰宜鳴玉承恩在賜金建章寒漏起更
助掖垣深 蘇頲春晚紫薇省直寄內詩曰直省清華
接建章向來無事日猶長花間燕子棲鳩鵲竹下鷓鴣
繞鳳凰內史通宵承紫誥中人落晚愛紅妝別離不慣
無窮意莫誤卿卿學太常 韋應物和張舍人夜直中
書詩曰西垣草詔罷南宮憶上才月臨蘭殿出涼自鳳
池來松桂生丹禁鴛鴦集雲臺 司空曙晚秋西省寄
上李韓二舍人詩曰晝漏傳清唱天恩禁旅秋鴈親承

露掌砧隔曝衣樓賜饌中人送餘香侍女收仍聞勞上
直晚步鳳池頭 姚合和令狐六員外直夜即寄上相
公詩曰霜臺同處軒牕接粉署先登語笑疎皓月滿簾
聽玉漏紫泥盈手發天書吟詩清美招閒客對酒逍遙
臥直廬榮貴人間難有比相公離此十年餘

中書監一

晉陽秋曰朱整少有名行官至中書監魏禪晉使整
與中書令劉良共為詔世祖踐祚權即用之 冊府元
龜曰荀勗為中書監與散騎侍郎阮咸論音律自以為
遠不及也疾之出補始平太守 又曰荀勗為中書監

久管機密有才思探得人主微意不犯顏廷爭故得始
終全其寵祿 又曰晉謝安孝武帝時為中書監 又
曰庾冰成帝時為中書監輔政初冰為吳國內史會蘇
峻作逆冰行奮武將軍拒峻別率張健走之乘勝赴京
師又遣將攻拔石頭城封新吳縣侯固辭不受 又曰
南齊褚淵高帝建元初為中書監時淮北屬江南無復
鮑魚或間關得至者一枚直數千錢有鮑淵鮑魚三十
枚淵雖貴而貧薄過甚門生有獻計賣之云可得十萬
錢淵變色曰我謂此是食物非曰財貨雖復儉乏寧可
賣餉取錢耶悉與親族啖之少日便盡 又曰北齊魏

收為中書監武成於華林別起元洲苑備山水臺觀之
麗詔於閣上畫收其見重如此 又曰後魏高允獻文
時為中書監加散騎常侍太和二年以疾告歸其年詔
以安車召允至都拜鎮軍大將軍領中書監固辭不許
是時貴臣之門皆擁列顯官而允子弟皆無顯官列爵
其廉退如此

中書監二

原監令同車

曹嘉之晉紀云中書監令同車入朝和嶠

使監令異車

宰相參領

詳總

機密之要宜得其才

王隱晉書云張華字茂先為中書令加散騎常侍為中

書監永平元年詔曰華體量清粹才識經濟前任中書

有思謀之勤機密之要宜得
其才以華為中書監加侍中
中書 加典著作又定律令
總載 王隱晉書云荀勗字公曾
充共定律令 事多不泄子弟管之
須下施用 華廩字長駿為中
荀勗為監末年亦使息但書詔草前後相承以子弟管
之自此 荀勗從遷發恚 王導表云乞得除中書監專
始也 詔曰昔荀公曾從中書監遷尚書令人賀之乃發恚
曰奪我鳳凰池卿諸人賀我耶願足下處之勿疑
庾亮以姻婭地嫌 晉書庾亮傳曰肅祖即位欲使亮為
以私矣何者臣於陛下后之兄也姻婭地嫌雖太上至
公聖德無私然世之喪道有自來矣悠悠六合皆私其
姻人皆有私則 天下無公矣

中書令一

原杜氏通典曰舜攝位命龍作納言出入帝命周官內
史掌王之八柄爵祿廢置生殺與奪執國法及國令之
貳以考政事蓋今尚書之任其所置中書之名因漢武
帝遊宴後庭始宦者典事尚書謂之中書謁者置令僕
射元帝時令弘恭僕射石顯秉勢用事蕭望之以為中
書政本宜以賢明之選更置士人自武帝改用宦者掌
出入奏事非舊制也成帝建始四年改中書謁者令曰
中謁者令更以士人為之皆屬少府漢東京省中謁者
令官 時有中官謁者 魏武帝為魏王置祕書令典尚書
奏事又其任也文帝黃初初改為中書令又置監以祕

設官部 中書令 九

書左丞劉放為中書監右丞孫資為中書令並掌機密

中書監令始於此也及明帝時中書監令號為專任其

權重矣時中護軍蔣濟上疏諫曰夫大臣太重者國危

慢上勢之常也今外所言輒云中書實握事要日在

前儻因疲倦之間有所割制臣見其能推移於事即亦

聖明之朝有專吏之名也晉因之置監令一人始皆同

車後乃異焉魏晉以來中書監令掌贊詔命記會時事

典作文書又後魏孝文帝時蠕蠕有國喪帝遣高闕為書

典文辭若情思不至應謝所任又曰崔光以其地任

為中書令敕光為詔遂巡不作蠕如充切印墨綬進賢兩梁冠絳朝服佩水蒼玉乘輅車

晉書曰張華為

樞近多承寵任是以人固其位謂之鳳皇池焉晉置銅

佩印綬與晉同梁中書監令清貴華重大臣多領之其

令舊選吏部尚書才地俱美者為之陳因梁制後魏亦

有監令高允字伯恭為中書令文北齊因魏制後周置

內史中大夫二人掌王言亦其任也隋初改中書為內

史置監令各一人尋廢監置令二人煬帝大業十二年

又改內史為內書後復為內史令唐武德初為內史令

常有較而中書門下不時宣行高祖責其遲晚內史令

蕭瑀曰臣大業之日見內史宣敕或前後相承者百司

行之不知何所承用所謂易難在前難必在後臣在中

書日久備見其事今黃閣初構事涉安危若遠方有疑

恐失機會比每受一敕臣必審勘使與前敕不相

乖背者始敢宣行遲晚之愆實由於此上善之三年

設官部

中書令

洪鑑類考卷八十三

改爲中書令亦置二人龍朔二年改爲右相咸亨元年復舊光宅二年又爲內史神龍元年復爲中書令開元元年改爲紫微令五年復爲中書令天寶元年改爲右相至德初復爲中書令自隋至今皆爲宰相舊班正三品大曆二年陞爲從二品按令文掌侍從獻替制敕冊命敷奏文表授冊監起居注總判省事初學記曰案中書令漢武帝所置出納帝命掌尚書奏事蓋周官內史之任初漢武遊宴後庭公卿不得入始用宦者典尚書通掌圖書章奏之事其後遂罷尚書改置中書謁者令盡用宦者故沈約宋書百官志云中書本尚書官是也謝靈運晉志云以其總掌禁中書謂

之中書漢武時司馬遷被腐刑之後爲中書令則其職也漢書不言謁者史省文也其官本名曰中書謁者令漢書直云遷爲中書令是史省文也宣帝時弘恭坐腐刑累遷爲令明習文法勢傾內外然恭死石君防亦坐腐刑代爲令至成帝置尚書官改中書謁者令所掌非盡權要舊任也蓋爲禁中宦者之職非掌朝廷要事也故謝靈運晉書云漢成帝已後無復中書之職是也東漢初亦無其官至獻帝時魏武爲魏王置祕書令此又中書之任也以其中書通掌圖書祕記之事故以祕書爲名魏文改祕書令爲中書令魏晉以來皆置一人品第三妙選文學通識之士爲之掌王言江左更重其任多以諸公兼之古者宰相本是三公至魏晉中書令掌王言才望既重多以諸公兼之近世以來若三公

設官部

附錄通鑑卷八十一

中書令

無其人則闕而中近世始專其職隋文帝改為內史令

書當宰相輔之任隋室諱中依周煬帝改為內書令已上並出漢

置二人官改為內史煬帝改為內書令官及齊職儀

并五代史增文獻通考曰宋制掌佐天子議大政授

百官志所行命令而宣之祀大神祇則升壇饗宗廟則陞阼階

相禮臨軒冊命則讀冊建儲則升殿宣制及璽綬以授

太子大朝會則詣御座前進方鎮表及祥瑞未嘗真拜

以他官兼領者不與政事然止曹佾餘皆贈官官制行

以右僕射兼中書侍郎行令之職別置侍郎以佐之元

豐寄祿為開府儀同三司容齋洪氏隨筆曰紹興五年

書令侍中中書令為兩省長官自唐以來居真宰相之

位而中令在侍中上肅宗以後始以處大將故郭子儀

僕固懷恩等皆為之然不與國事懿德昭之時員浸多

率由平章事遷兼侍中繼兼中書令又遷守中書令三

者均稱使相皆大敕繫銜而下書使字五代尤多國朝

創業之初仍舊貫於是吳越王錢俶等十五人同時

兼中書令太宗朝唯除石守信而趙普以故相拜真宗

但以處親王嘉祐末除宗室東平王允弼襄陽王允良

元豐中除曹佾官制行改三使相並為續文獻通考

開府儀同三司元祐以後不復有之

曰遼置中書令其次有大丞相左丞相右丞相而繼以

知中書省事中書侍郎中書平章事中書參知政事元

初置中書令一員銀印典領百官會決庶務太宗以相

臣為之世祖以皇太子兼之自左右丞相而下平章二

員左右丞各一員副宰相裁成庶務號左右轄參政二

員副宰相參大政趙天麟上策略曰中書者機務之關

設官部

開監貢

中書令

七

萬春皇闕之家任之而當則奠枕磐石任之未當則瘵
官病政此實國家股肱心膂之臣也太子為天子之元
階祕府都堂占大臣之上位名為重之寔以輕之華
中書令為極尊次則左右丞相平章政事左右丞參政
叅議中書省事元世祖中統元年置叅議中書省事典
左右司文牘為六曹之管轄軍國重事
咸與決焉曰叅議府左右司郎中亦預叅贊焉元世祖中統元年
中書置郎中至元
十五年分置左右司郎中順帝至正七年又置中書議事
中員外郎都事各二員
平章四人趙天麟論都省行省職掌略曰臣聞車輿之
區要在於管轄衣裳之提綱繫於要領要領
不可以兼衽袂之資管轄不可以兼轄衡之用我國家
內立中書外立行省密邇皇宮統餘省於上游弼聖躬於
中域但當坐而論道據槐府以秉鈞寬以宅心守台司
而助化令也釐毫細務靡不相煩升斗微官亦來取決
豈非管轄兼轄衡之用要領兼衽袂之資乎伏望陛下

載崇都省申以大名選才德無
玷地望極清者為大中書令

中書令二

原漢書曰司馬遷既被刑之後為中書令尊寵任職武
帝以太史丞司馬談為太史公應劭曰中書令太史公
位在丞相之上天下計偕先上太史公却付丞相
御覽曰吳志曰蔡欽字文德歷位內外以清貞顯於當
世衛尉領中書令又曰胡冲平和有文幹天紀中為
中書令**原**臧榮緒晉書曰潘尼性澹退唯以著述為
事永興末為中書令晉書賀循字彥先為中書令時
朝廷凝滯皆諮焉為世儒宗晉諸公贊曰陳准為中

設官部
中書令
十三

書令張華爲監准與華俱處機密而准雅崇華每至直
日有詔書無大小輒先示華了不厝意華得詔書不以
示准 **增**冊府元龜曰晉張華爲中書令加散騎常侍
武帝潛與羊祜謀伐吳羣臣多以爲不可惟華贊成其
計 **原**晉諸公贊曰懷帝以繆播爲中書令朝事莫不
諮之人君之所取信於臣下無以尚也 晉中興書曰
肅祖以溫嶠爲散騎常侍侍講太寧初手詔曰卿旣以
令望忠允之懷著於周旋且文清而旨遠宜居深密今
欲以卿爲中書令朝論亦咸以爲宜 檀道鸞陽秋曰
溫嶠爲中書令上疏曰臣才短學淺文疏不通中書之

職酬對多方斟酌禮宜非惟文疏而已自非望士良才
何可妄居斯任累辭而止 晉中興書曰褚裒授衛將
軍中書令以中書銓管詔命不宜以親居之固讓 檀
道鸞陽秋曰王洽字敬和拜中領軍尋加中書令固讓
表疏十上穆宗詔曰敬和清裁貴令昔爲中書郎吾時
尚小數呼見意甚親之今所以用爲令旣機任須才且
欲時時相見共講文章待以不臣之義豈便任國之大
事耶宜推洽令拜固讓遂不受 王珉別傳曰珉字季
琰詔曰新除侍中王珉才學廣瞻理識清通宜處機近
以參時務其以珉兼中書令 沈約宋書曰傅亮永初

元年為太子詹事中書令專典詔令以亮任總國權聽
於省中見容神虎門外每旦車嘗數兩 **增**齊書曰王
延之代張緒為中書令何點歎曰晉以子敬季琰為此
職今以王延之張緒為之可謂清官後接之者實為未
易 後魏書曰任城王澄為中書令蕭順使庾華來朝
見澄音韻道雅風儀秀逸謂主客郎張尋曰往魏任城
以武著稱今魏任城以文見美也 北史曰高允為中
書令高宗禮敬甚重謂羣臣曰如高允者真忠臣也
又曰高允拜中書令司徒陸麗曰高允雖蒙寵待而妻
子不粒高宗是日幸允第草屋數間布被緼袍高宗歎

息久之曰古人之清豈有如此即賜帛五百匹 冊府
元龜曰高允為中書令遷中書監魏初法嚴朝士多見
杖罰允歷事五帝出入三省五十餘年初無譴咎 又
曰袁翻少以文學擅美孝明孝昌中為中書令領給事
黃門侍郎與徐統俱在門下並掌文翰 唐書曰房元
齡太宗即位為中書令第功班賞以如晦等功第一餘
皆以次封拜 又曰褚遂良拜中書令太宗寢疾召遂
良及長孫無忌入臥內謂之曰卿等忠烈簡在朕心昔
漢武寄霍光劉備託諸葛亮朕之後事一以委卿又顧
謂太子曰無忌遂良在國家之事汝無憂矣 又曰張

九齡為中書令時天長節百官多獻珍異惟九齡進金鏡錄五卷言前古興廢之道上賞異之唐記曰長孫無忌檢校中書令猶知門下省帝欲立昭儀為后無忌固言不可又曰帝嘗宴諸王召薛元超從容謂曰任卿中書寧藉多人哉俄拜中書令冊府元龜曰岑文本貞觀中遷中書令歸家有憂色其母怪而問之文本曰非勲非舊濫荷寵貴位高任重古人所懼撫已循心所以憂耳親賓來賀者輒曰受弔不受賀事文類聚曰岑文本為中書令或勸其營產業文本歎曰吾漢南一布衣無汗馬勞以文墨位宰相俸秩已重尚何殖產

業耶冊府元龜曰馬周為中書令攝吏部尚書太宗嘗賜周飛白書曰鸞鳳凌雲必資羽翼股肱之寄誠在忠良又曰溫彥博貞觀中為中書令性周慎不妄交遊自掌機務杜絕賓客國之利害知無不言太宗以是嘉之又曰蕭嵩為中書令兼脩國史在公慎密人莫測也又曰姚崇為中書令與宋璟進忠良退不肖賞罰必中朝綱克舉又選補平允委用廉吏權門請託無所復行又曰竇威為內史令性儉素不樹產業及卒家無餘財唐書曰郭子儀為中書令二十四考以身係天下安危事文類聚曰薛收子元超拜中書令兼

洪鑑卷四十八
左庶子帝幸東都留輔太子監國手敕曰朕留卿若失
一臂顧太子未習庶務關中事卿悉專之 又曰魏元
忠兼中書令請歸鄉拜埽特賜錦袍一領銀千兩并給
千騎四人充其左右手敕曰衣錦晝遊在乎茲日散金
數惠諒屬斯辰 孔帖曰王及善拜內史清正自持有
大臣節時二張怙寵每侍宴無人臣禮及善數裁抑之
后不悅曰卿年老不宜侍遊宴及善即移病月餘后不
復問及善歎曰中書令可一日不見天子乎遂乞骸骨
不許改文昌左相同鸞臺三品 又曰裴炎改中書令
舊制宰相議事門下省號政事堂長孫無忌以司空房

元齡以僕射魏徵以太子太師皆知門下省事至炎以
中書令執政故徙政事堂於中書省 又曰張嘉貞始
為中書舍人崔湜輕之後與議事正出其上湜驚曰此
終其坐後十年而為中書令 又曰嘉貞薦苗延嗣員
嘉靜呂太一崔訓皆位清要日與議政事當時語曰令
君四俊苗呂崔員 又曰蕭至忠為中書令時宗楚客
懷姦植黨而韋巨源楊再思李嶠務自安無所弼正至
忠介其間獨不詭隨時望翕然歸重帝亦曰宰相中至
忠最憐我 又曰裴度拜中書令上巳宴曲江度不赴
帝賜詩 元史曰耶律楚材為中書令事無鉅細皆先

白之帝南征克汴梁親執觴賜楚材曰朕之所以推誠待卿者先帝之命也非卿則中原無今日矣時西域諸國及宋高麗使者來朝帝指楚材示之曰汝國有如此人乎皆謝曰無有殆神人也

中書令三

原 尊車 隔坐 上詳中書監二 吳錄曰紀騰字子上景皇時騰父亮為尚書令騰為中書令

每朝會以雲母屏風隔其坐 望士 勝會 上詳中令二 晉陽秋曰王獻之少而標邁不

循常貫而撮其勝 典詔命 宣國道 上詳中令二 下見中書總內

會故為中書令 參時務 典史書 上詳中令二 晉令曰中書為

注 立為頌 共講文 崔鴻後趙錄曰徐光字季武頓丘人幼以文才年十三王陽攻頓丘

掠之而令王林馬光但書杆作詩賦左右以白勒勒令召光付紙筆光立為頌賜衣服遷為中書令 下詳中令

二 貴幸傾朝 尊寵任職 漢書曰石君防與弘恭皆為中尚書宣帝時任中書官以恭為令君防為僕射恭

死君防代為令貴幸傾朝百僚皆敬事 下詳中令二

才學廣贍 文旨清遠 並詳中令二 意性調美 情度

淹粹 薛瑩條列吳事曰吳冲意性調美心趣解暢有刀筆開於時事為中書令雖不能匡矯亦自有守不

苟求容媚 下 **習** 風儀秀逸 進止雍容 上詳中令二

類聚云唐温彦博遷中書令彦博善於宣吐每奉使入

朝召問四方風俗承受綸言有若成誦聲韻高朗響溢

殿廷進止雍容觀者拭目如温彦博其見重如此 二

論旨既而顧謂侍臣曰何如温彦博其見重如此 二

員相逼 四俊見稱 孔帖曰張嘉貞初為兵部張說已

所讓故說不平後嘉貞出為幽州刺史說代其處嘉貞

街梅謂人曰中書令幸二員何相逼耶 下詳中令二

設官部 詞監類函卷八十三 中書令

創綠野堂

進金鏡錄

守文類聚云裴度徙東都留

子擁虛器度不復有經濟意乃治第東都又於午橋創別墅號綠野堂與白居易劉禹錫為文章把酒窮晝夜相歡不問人間事

命停嚴鼓

索焚表章

事文類聚

駕征遼中書令岑文本卒帝親臨視撫之流涕其夕帝聞嚴鼓三聲曰文本殞逝情深惻怛今宵夜警所不忍聞命停之慨然曰以官案彰君之過求身後之名吾弗也為

中書令四

源處機密

詳中

掌機管

王洽集辭中書令表云竊以

武之世始建此職歷代時宜置廢遂重武帝朝荀勗張華並為其任中興以來宰相居也俱處機密華俱處機密楷有時望而華獨開府時皆貴之華不

敢受尋進

便居顯要

檀道鸞陽秋云王洽為中書令

遺之書曰昔大將軍事故吾年二十九將辭免兄王胡之臺門詣謝還北窗牀上悲歎曰今出求為貧賤不可得弟今二十九便居清顯要任敢不奕世晉陽秋曰王敬以先旨為弟務義讓之路也

令為一時風流之冠卒以王珉為中書令世謂之大王令小珉父洽又嘗為此官珉復繼之時人以珉為令望

一時之美

劉謙之晉記云王珉代之皆一時之美

清雅正事

王敦集表云王珉代之皆一時之美

自後缺位

事文類聚

書五郎

晉諸公贊曰陳准為中

掌文誥職

掌文誥職

宰相蕭嵩加中書令自張說為中書令後缺此位四年嵩得之帝帶河東節度使又曰張九齡一代詞宗為中書令引韋陟為中書舍人與孫逖梁陟對掌文誥時人以美談開國舊勳又曰宋趙普端拱初三入相稱疾上表致仕以普

國舊勲惟卿一人而已
不同他等毋即固辭
台樞令德
又曰王旦罷相薨翰林學士承旨李
淮等奏議曰太尉王旦踐歷台樞將二十年紀律用
張方夏咸服藹然令德洽於民瞻贈太尉中書令

中書令五

原墓志梁簡文帝中書令臨汝靈侯墓志銘曰昔太祖時其惟宣武講道開天儀嵩作輔是曰邢第籍規承矩如康嗣衛似禽居魯息轡巖隈塗窮夜臺靈檐永闕松路方開草茂故轍松插新枚月明泉暗暑往寒來元帝中書令庾肩吾墓志曰荆山萬重地產卞和之玉隋流千仞水出靈蛇之珠故能肩茲屈景育斯唐宋掌庚命族世濟琳琅遂昌開國蟬聯冠冕父易高尚其道

肥遯貞吉關吏早逢夙表真人之氣少微晚映還彰隱士之星肩吾氣識淹通風神閒逸鐘鼓詞林笙簧文苑入爲度支尚書任同北斗錫韓稜之劒朝比南宮識鄭崇之履余以其爲人也瑚璉之器無慚垂棘杞梓之材有均廊廟故贈散騎常侍蓋旌賢也
張纘中書令蕭子顯墓志曰君狀貌丘墟風神磊落閒澹動於容止英奕發於流盼筆鋒席上皆如素蓄切問近思見稱閑敏帝嘗顧問君曰我撰通史若成衆史可廢乃答詔曰仲尼贊易道黜八索述職方除九丘聖製符同復在茲日儲君毓德少陽情協陳阮親口妙思式表元石

表宋謝莊讓中書令表曰伏惟陛下登取震維臨齊
璿政澤與風翔恩從雲動臣聞璧門天遠鳳沼神深絲
綸王言出納帝命自非望允當時譽宣庠塾未有謬垂
曲寵空席茲榮在於平壯猶不可勉况今縣瘠百志俱
淪

增制唐蘇頌行張說中書令制曰咸有其德委廊廟之
元宰知無不為歸掖垣之成務燕國公張說含和育粹
特表人師懸解精通見期王佐故能深而不竭久而彌
芳宣大號於紫宸潤昌圖於清禁我憑柱石爾作鹽梅
行姚崇紫微令制曰黃門天之紫微地在清禁宰臣

為重庶政攸先不有殊才曷云兼寄梁國公姚崇河山
粹氣禮樂清英德量在寬公心益厚詞必體要行之自
遠學以窮微志於可大允茲忠謹光我謀謨聞善若驚
欲仁斯至衣冠以為著蔡廊廟資其柱石朕之欽者管
樂人之傑者蕭張遂能以身許國開物成務邦是用又
朝惟得賢北辰環拱西垣近密俾因題劔之榮式演如
絲之命 宋韓通贈中書令制曰易姓受命王者所以
狗至公臨難不苟人臣所以明大節具官定交霸府委
質前朝荷戈共歷於艱貞錫壤迭分於戎律朕以三靈
睠祐百姓樂推言念元勳方酬異渥蒼黃遇害良用憮

然追升浴鳳之池式表潛龍之舊

中書侍郎

原杜氏通典曰中書侍郎漢置中書領尚書事有丞郎

魏黃初初中書既置監令又置通事郎魏志曰掌詔草

位次黃門郎黃門郎已署事過通事乃署名已署奏以

入為帝省讀書可後改通事郎為中書侍郎晉置四員

及江左初又改為通事郎尋復為中書侍郎其職副掌

王言更入直省五日從駕則正直從次直守張華兼中

征鍾會掌書疏表撰又荀勗泰始中書郎張華王

濟猶尚自起草及後遂失舊體又華虞為人弘雅加

以名家子孫以婦父盧毓典宋中書侍郎進賢一梁冠

介幘絳朝服用散騎常侍為之齊梁皆四人梁以功高

者一人主省内事陳因之後魏北齊置四員隋初為內

史侍郎亦四員煬帝減二員改為內書侍郎唐初為內

史侍郎武德三年改為中書侍郎龍朔以後隨省改號

而侍郎之名不易舊制正四品上大員二人掌侍從獻

替制敕冊命敷奏文表通判省事曆二年陞從三品初學記曰案敘中

書侍郎魏官也又環濟要略曰中書有令僕射丞郎謂

西漢時也又案衛宏漢舊儀曰漢置中書領尚書匈奴

營部一郎民曹一郎謁者一郎此則中書郎已聞漢代

記傳無明文莫知廢置之由矣沈約宋志云晉改通事

設官部

開益類函卷八十三

中書侍郎

五

郎為中書侍郎蓋此始也

按魏志司馬宣王辟王伯興擢為中書侍郎亦明帝時據

此中書侍郎起魏代沈約宋書云晉改似謬也案隋初改中書省為內侍省隋

末改為內書監唐初又改為內史省龍朔二年改為西

臺光宅初改為鳳閣開元初改為紫微其侍郎各因臺

閣改易為名若鳳閣則名鳳閣侍郎其舍人以下皆倣此

增六典曰中書

侍郎掌貳令之職凡邦國之庶務朝廷之大政皆參議

焉凡臨軒冊命大臣令為之使則持冊書以授之凡四

方來朝臨軒則授其表疏升於西階而奉之若獻贄幣

則受之以授於所司文獻通考曰宋制侍郎掌貳令

之職參議大政授所宜詔旨而奉行之官制行以尚書

右僕射兼又別置侍郎以代參知政事建炎初復改侍郎為參政

中書侍郎二

原魏志曰明帝詔舉中書郎謂吏部尚書盧毓曰得其

人與不得其人在盧生耳選舉莫取有名有名如畫地

作餅不可噉也毓舉韓暨敦篤有至行帝乃用之 王

隱晉書曰華表子簡字奉駿有智器文藻官至中書郎

又曰陳壽舉孝廉為著作郎與張華友善華當啓轉

中書郎荀勗黨疾壽華語吏部出為長廣太守 臧榮

緒晉書曰夏侯孝若為野王令居邑累年朝野多歎其

屈除中書郎 曹嘉之晉紀曰汝南史曜為山濤所知
曜字季茂父為征南府小吏鄉人周浚一見曜而友之
配之妹官至中書郎 晉書曰裴瓚字國寶楷子風神
高邁為中書郎出入禁門見者皆肅然改容 晉書
曰衛瓘為中書郎時權臣專政瓘優游其間無所親疎
為傅嘏所倚重謂之甯武子 晉中興書曰范甯字
武子少好學多所通覽為臨淮太守徵拜中書郎專掌
西省以職在機近固辭不許多所獻替有益治道 晉
起居注詔曰今之士大夫多不樂出宰牧而好內官今
皆先經外郡治民著績然後入為常伯中書郎 沈約

宋書曰王微與弟綽書曰闔門皆蒙時私吾高臥家巷
遂至中書郎此足以闔棺也 王濛別傳曰濛字仲祖
為中書侍郎在職四年無對首尾如一人又遷司徒左
長史少選四人年頗滿以濛難與比肩故也 增冊府
元龜曰宋江智淵為中書侍郎愛好文雅辭采清贍世
祖深相知待恩禮冠朝時讌私甚數多命羣臣五六人
遊集智淵常為其首同侶未及前輒獨蒙引進 又曰
殷景仁為中書侍郎臥疾者五年雖不見上而密表去
來日中以十數朝政大小必以問焉形迹周密莫有窺
其際者 又曰景仁為中書侍郎於國典朝儀舊章記

注莫不撰錄識者知其有當世之志 又曰南齊張融
太祖時為中書郎帝手詔賜融衣曰見卿衣服麤故誠
乃素懷有本視爾藍縷亦虧朝望令送一通故衣服謂
雖故乃勝新是吾所著已令裁減稱卿之體并履一量
又曰王融為中書郎武帝以其才辯使兼主客接魏
使房景高宋弁見融年少問主客年幾融曰五十之
年久逾其半 又曰王融為中書郎世祖幸芳林園禊
宴朝臣詔融為曲水詩序文藻富麗當世稱之 又曰
梁王峻天監中為中書侍郎高祖甚悅其風采與陳郡
謝覽同見賞擢 又曰任昉雅善屬文尤長刀筆才思

無窮遷中書侍郎高祖霸府初開以昉為驃騎記室梁
臺既建禪讓文詔多昉所具及踐祚拜黃門侍郎 又
曰丘遲為中書郎待詔文德殿武帝著連珠詔羣臣繼
作者數十人遲文最美 又曰陳姚察為中書侍郎歷
嘉德宣明二殿及東宮三學士每有制述多用新奇專
志著書白首不倦 北史曰趙彥深諷朝廷以子堅為
中書侍郎頗招物議時馮子琮子慈明祖珽子君信並
相繼居中書故時語云馮祖及趙穢我鳳池 冊府元
龜曰後魏高遵為中書侍郎與游明根高閭李沖入議
律令親對御座時有陳奏以積年之勞賜粟帛牛馬

又曰朱延雋為中書侍郎宣武專心釋典不事墳籍延雋上疏諫 又曰趙逸為中書侍郎太武神麈三年三月上巳帝幸白虎殿命百僚賦詩逸製詩序時稱為善 又曰崔光本名孝伯歷中書侍郎甚為孝文所知待嘗曰孝伯之才浩浩如黃河東注固今日之文宗也 又曰高閭為中書侍郎軍國書檄詔令碑頌銘贊百有餘篇其文亦高允之流世稱二高一 又曰魏收兼中書侍郎季秋大射普令賦詩收詩末云尺書徵建鄴折簡召長安王文襄壯之顧諸人曰在朝今有魏收便是國之光彩 隋書曰元善拜內史侍郎上每望之曰人倫

儀表也凡有敷奏聲氣抑揚觀者屬目 冊府元龜曰薛道衡開皇中為內史侍郎高祖每曰薛道衡作文書甚稱我意後善其稱職謂楊素牛弘曰道衡老矣驅使勤勞宜使其朱門陳戟於是進位上開府 又曰虞世基為內史侍郎煬帝重其才親禮逾厚專典機密 孔帖曰溫彥博遷侍郎高麗貢方物高祖欲讓而不臣彥博執不可曰遼東本周箕子國漢元菟郡不使北面則四夷何所瞻仰帝納之而止 冊府元龜曰岑文本為中書侍郎儲宮初建名士多兼領宮官太宗亦欲令文本兼攝文本固辭曰臣以庸才久逾涯分守此一職常

懼滿盈豈宜更忝春坊以速時謗乃止 唐書曰郭正
一永淳二年除中書侍郎正一在中書累年明習舊事
兼有詞學制敕多出其手當時號為稱職 又曰崔沔
拜中書侍郎或謂沔曰今之中書皆是宰相承宣制命
侍郎雖是副貳但署位而已甚無事也沔曰不然設官
分職上下相維各申所見方為濟理豈可俛默偷安而
為懷祿士也自後每有制敕及曹事沔多所異同 孔
帖舊史曰薛元超高宗時為中書侍郎特承恩遇嘗召
入與諸王同預私讌又重其文學政理之才曾謂元超
曰長得卿在中書固不藉多人 冊府元龜曰劉禕之

則天朝拜中書侍郎時軍國多事所有詔敕獨出禕之
構思敏速皆可立待 又曰蘇味道為鳳閣侍郎味道
前居相位數載竟不能有所發明但脂韋其間苟度取
容而已故時人號為蘇模稜 又曰蘇頲開元初為中
書侍郎時李乂為紫微侍郎與頲對掌文誥他日元宗
謂頲曰前朝有李嶠蘇味道謂之蘇李今有卿及李乂
亦不謝之 又曰張鎬為中書侍郎時朔方興戎帝注
意將帥以鎬有文武才業命兼河南節度使持節都統
淮南等道諸軍 又曰裴度為中書侍郎先是德宗朝
宰臣歸私第百官不敢及門度以方討不庭宰臣宜日

接多士冀有所聞因奏請私家通賓客帝方屬意許之
四方布衣得以策畫干丞相至今宰臣私第接士因度
之請也

中書侍郎三

原躍池 入室 上見下伯玉赴中書詩 何法盛晉中
書曰孔演字元舒晉國建興與庾亮俱補中書侍郎於時

制多取正焉山是元明二帝親愛之 練悉舊典朝儀軌
曰嵇含字思道為中書郎書檄雲集初不立草 至

行 直言 上詳侍郎二 晉中興書曰范甯拜中書侍
郎時烈宗雅好文學而明習五經甚見親愛

奉信 孔演字元舒晉國建興與庾亮俱補中書侍郎於時
中興肇建庶事草創演經學博通又練悉舊典朝儀軌

制多取正焉山是元明二帝親愛之 練悉舊典朝儀軌
曰嵇含字思道為中書郎書檄雲集初不立草 至

行 直言 上詳侍郎二 晉中興書曰范甯拜中書侍
郎時烈宗雅好文學而明習五經甚見親愛

朝廷擬議輒諮訪之 鍾表 卞詩 郭頌魏晉世語曰
甯指朝士直言無諱 鍾表 卞詩 司馬景王命書

侍郎虞松作表再呈不可意令松更定之經時渴思不
能改心存形色中書郎鍾會察有憂色問松以實對會

取草視為定五字松悅服以呈景王景王曰不當爾耶
松曰鍾會耳王曰如此可大用真王佐才也 卞伯玉

有赴中 五字 片言 上詳鍾表注 陸士衡轉中書
書詩 出後謝表曰片以藏在中書制命所出而臣本以筆札

見知慮逼迫不獲已乃許發內好懷出就弟雲哭泣受
甲片言雙字 文不關其間

中書侍郎四

原掌詔書 魏志云黃初中以祕書 掌密詔 環濟要略
始置通事郎掌詔草也 掌密詔 云中書掌

宮內密詔有 職典禁闈 曹毗集王仲祖詠云入管中
冷僕射丞郎 張華掌書疏 郎掌書疏表檄 文帝善之還乃即真

雲 張華掌書疏 郎掌書疏表檄 文帝善之還乃即真
達 設官部 綱鑑類編卷八十三 中書侍郎

設官部 綱鑑類編卷八十三 中書侍郎

也 陸機以文學轉王隱晉書云陸機字士衡以文學轉中書郎 大事及

議多見施行又云李重遷中書侍郎每大事及 論釋

多見稱述晉書云庾亮中興初拜中書郎領著作侍講

布衣之好韓刻薄傷化不足留聖心太子甚納焉 王濟

少有俊才文士傳云王濟字武子少 王濟有文章晉

居注云武帝詔曰駢馬都尉王濟忠篤增 品第四特

預宴孔帖曰于志寧為中書侍郎太宗嘗宴近臣問志

犯吾鱗禪關失又云杜正倫進中書侍郎與帝設宴

具召四人者謂曰我聞神龍可擾以馴然領有逆鱗嬰

相樂也各賜帛有美官又云蘇頌起為工部侍郎

侍郎得中書侍郎乎對曰陛下任賢惟所命何資之計
乃詔以題為中書侍郎帝勞曰方美官缺每欲用卿然
幸相議遂無及 諫東西兩朋又云郝處俊為中書侍
者朕為卿恨 城四縣及太常音樂分為東西兩朋帝令雍王賢為東
朋周王潭為西朋務以角勝為樂處俊諫曰臣聞禮所
以重童子無誑者恐其欺詐之心生也伏以二王春秋
尚少意趣未定當須推多讓美相敬如一今忽分為二
朋遞相誇競非所以遠識非眾人所及 中樞白居易
高宗矍然曰卿之遠識非眾人所及 中樞除裴均
中書侍郎制曰宜 登中樞以副僉望

中書侍郎五

原詩魏劉公幹贈徐幹詩曰誰謂相去遠隔此西掖垣
所限清切禁中情無由宣思子沈心曲長歎不能言起
坐失次第一日三四遷步出北寺門遙見西苑園細柳

設官部 中書侍郎

夾道生方塘含清源輕葉隨風轉飛鳥何翩翩 齊卞

伯玉赴中書詩曰大方信苞容優渥遂不已躍鱗龍鳳

池揮翰紫宸裏 唐太宗餞中書侍郎來濟詩曰曖曖

去塵昏灞岸飛飛傾蓋指河梁雲峰衣結千重葉雪岫

花開幾樹芳深悲黃鶴孤舟遠獨歎青山別路長聊將

分袂霑襟淚還用持添離恨觴

原表梁庾肩吾為寧國公讓中書表曰臣聞陟彼太行

伯厚之車屢怠望茲吳坂少游之馬難躋是知美非流

水立致摧轅駿靡浮雲便期頓轡起登天漢寧培九萬

之風坐濟星橋非使千年之翼豈有幼稱辯慧足對元

禮弱標俊穎能嘲子淑玉重組長空見休寵深宮邃宇孰知懷憂

增制唐蘇頌行薛稷中書侍郎制曰慶傳於家者代濟

其美才許於國者時無與讓開國男薛稷公貞性成仁

和道勝坦然之量羣物不干其靜穆如之風九流不測

其度頃罹多難克仗嘉謀翼戴朕躬保寧王室厥功茂

矣朝廷賴焉俾迴踐於綸闈以增輝於鼎席 又孫逖

行徐安貞中書侍郎制曰清才特達雅量深沉為德行

之宗師是文詞之雄伯頃司水土兼典圖書博綜維精

彌綸有敘王言是屬公議攸歸宜增秩於五字俾齊名

設官部 中書侍郎

於三八

淵鑑類函卷八十三

淵鑑類函卷八十三

中書舍人... 通事舍人... 主書... 附... 中書舍人... 通事舍人... 主書... 附... 中書舍人... 通事舍人... 主書... 附... 中書舍人... 通事舍人... 主書... 附... 中書舍人... 通事舍人... 主書... 附...

淵鑑類函卷八十四

設官部二十四

中書舍人 通事舍人

主書 附

中書舍人一

主書 附

杜氏通典曰中書舍人魏置中書通事舍人或曰舍人通事各為一職晉江左乃合之謂之通事舍人武冠絳朝服掌呈奏案章後省之而以中書侍郎一人直西省即侍郎兼其職而掌其詔命宋初又置中書通事舍人四員入直閣內出宣詔命凡有陳奏皆舍人持入參設於中自是則中書侍郎之任輕矣齊永平初中書通事舍人四員各住一省時謂之四戶權傾天下

茹法亮 久為中

設官部

淵鑑類函卷八十四

中書舍人一

書通事舍人後出為大司農中書勢利之職法亮戀之
垂涕而去又熒惑入太微太尉王儉謂武帝曰天文
帝納之而不改與給事中為一流梁用人殊重簡以才
能不限資地多以他官兼領後除通事字直曰中書舍
人專掌詔誥兼呈奏之事裴子野以中書侍郎鴻臚卿
掌中書通事舍人別敕知詔
誥自是詔誥之任舍人專之魏晉以來詔誥並由中書令
及侍郎掌之說在中書令
篇陳置五人後魏有舍人省而不言其員北齊舍人省
掌署敕行下宣旨勞問領舍人十人後周有小史上士
二人此其任也屬春官隋內史舍人八員專掌詔誥煬
帝減四人後改為內書舍人唐初為內史舍人至武德
三年改為中書舍人置六員貞觀元年中書舍人高季
輔上封事曰時已平矣功

已成矣然而刑典未措者何哉良由謀獻之臣不弘簡
易之政臺閣之吏昧於經遠之道執憲者以深刻為奉
公當官者以侵下為益國未有坦平恕之懷副聖上之
旨伏願隨方訓誘使各揚其職敦樸素革澆浮使家識
孝慈人知廉恥其利欲之心載以清潔之化自然家
肥國富禍亂何由而作太宗善之特賜鍾乳一劑曰卿
進藥石之言故龍朔以後隨省改號而舍人之名不易
專掌詔誥侍從署敕宣旨勞問授納訴訟敷奏文表分
判省事自永淳以來天下文章道盛臺閣髦彥無不以
文章達故中書舍人為文士之極任朝廷之盛選諸官
莫比焉按後漢章和以後尚書為機衡之任尚書郎舍
香握蘭直宿於建禮門太官供膳奏事明光殿
下筆為詔誥出語為詰令曹公為魏王置祕書令與尚
書奏事則祕書之職近密尚書之職疎遠魏文帝初改
祕書為中書自歷代相沿並管樞密而後漢尚書郎非
今尚書郎乃中書舍人也武太后臨朝天授元年壽春
設官部

郡王盛器兄弟五人初出閣同日受冊有司撰儀注忘載冊文及百寮在列方知闕禮宰臣相顧失色中書舍人王勃立召小吏五人各令執筆口授分寫同時須臾俱畢詞理典贍時人歎服景龍四年六月一日初定內難唯中書舍人蘇頲在太極殿後文詔填委動以萬計手操口對無毫釐差誤主書韓禮談子陽轉書詔草屢謂頲曰乞公稍遲禮等書不及恐手腕將廢故事舍人六員各押尚書省一行天下衆務無不關涉開元三年十一月紫微令姚崇奏紫微舍人六員無一頭商量事諸舍人同押連署狀進說凡事有是非理均予奪人心既異所見不同者望請別作商量連狀同進若狀語交互恐煩聖思臣既官長望於兩狀後復略言二理優劣奏聽進止則人皆盡能官無留事救曰可因是舍人唯知撰制不復分知機務既文書填委遂令書錄委之掌後又其權勢傾動天下姚竟因主書趙誨賊犯所累罷相姚誠多才而隱政擅權以成斯弊可哀哉

初學記曰案敘環濟要略云舍人古官也周禮地官有舍人善鼓琴為宋康王舍人也史記李斯為秦宮舍人漢

書高祖起豐沛周勃傅寬煥曾皆以舍人從酈食其亦以舍人知宮內事然則中書舍人晉官也自漢置中書無聞其職魏世中書始置通事一人掌呈奏魏明時有通事劉泰是也高貴鄉公時改為通事都尉尋又改為通事侍郎自晉宋以來唯掌呈奏宣王言其用事至梁多以尊官兼領並入閣內始專掌中書詔誥自魏晉詔誥皆中書令中書侍郎掌之至梁始以舍人為之陳及北朝皆因之掌制誥陳及後魏又別置通事舍人掌宣奏北齊唯置中書舍人兼掌宣奏隋又別置通事舍人專掌宣奏

增六典曰中書舍人掌侍奉進奏參議表章凡詔旨制敕及璽書冊命皆案典故起章草進畫既下則署而行之其禁有四漏洩稽緩違失忘誤所以重王命

也制敕既行有誤則奏而正之 文獻通考曰宋初中書舍人為所遷官實不任職復置知制誥及直舍人院故事入西閣皆中書召試制誥三篇唯梁周翰不召試而授其後楊億陳堯佐歐陽修亦如此例富弼為知制誥繳還劉從愿妻封遂國夫人詞頭唐制唯給事中得封還詔書中書舍人繳詞自弼始元豐五年詔中書舍人印為中書後省之印曾鞏陸佃並試中書舍人自是始正官名遂以中書舍人判後省之事分案五曰上案掌冊禮及朝會所行事曰下案掌受付文書曰制誥案掌書記制詞及試吏校其功過曰諫官案掌受諸司關

報文書日記注案掌錄記注其雜務則隨所分案掌之元祐初以蘇軾直舍人院有司言自官制行舍人院廢今為中書後省於是改為權中書舍人遂為故事後詔舍人各籤諸房文字其命詞則論日分草中興置中書後省以中書舍人為長官六員常除二員一員領吏房及兵工房一員領吏房右選及禮刑房嘉泰四年李季章辭以宗正少卿權中書舍人而中字犯祖諱季章辭有旨權以直舍人院繫銜乃受命不知舍人院廢已久矣蓋大臣失於討論也紹興初詔中書門下兩省已并為中書門下省其兩省合送給舍文字今後更不分送

並送給事中中書舍人其後又詔以他官兼攝者稱權
直資淺者為直舍人院石林葉氏曰國初循唐舊制凡命官遷除磨勘移易差遣中書皆命詞給告不勝其繁元豐官制始命階官職事官選人入品者給告無品官者但給黃牒而已元祐末猶以為多復命內外差遣及職事官本等內改易或再任者亦止給黃牒紹聖中朱服為舍人以為監司郡守初除不給告禮太薄乃詔待制以上知州及帥臣監司初除再任並出告尚書侍郎兩省御史臺官外餘官并監司本等內改易者仍給黃牒後復行之
續文獻通考
曰遼中書省設中書舍人院有中書舍人金元無明中書舍人屬內閣革中書省存中書舍人

中書舍人二

增冊府元龜曰劉超為中書舍人處身清苦衣不重帛

家無儋石之儲每元帝所賜皆固辭曰凡陋小臣橫竊賞賜無德而祿殃咎是懼帝嘉之 又曰晉徐邈為中書舍人孝武帝宴集酣樂之後好為手詔詩章以賜侍臣或文詞率爾所言穢雜每應時取斂還省刊削皆使可觀經帝重覽然後出之是時侍臣被詔者或宣揚之故時議以此多邈 又曰南齊紀僧真武帝時為中書舍人僧真容貌言吐雅有士風帝嘗目送之笑曰人生何必計門戶紀僧真嘗貴人所不及 齊書曰明帝踐阼引傅昭為中書舍人時居此職者皆權傾天下昭獨廉靜無所干預器服率略身安麤糲常插燭版牀明帝

聞之賜漆合燭盤敕曰卿有古人之風故賜卿古人之物南史曰顧協爲舍人在省十六載器服食飲不改於常有門生始來事協知其廉潔不敢厚餉止送錢二千協發怒杖二十因此事者絕於魏遺冊府元龜曰陳劉師知善儀禮臺閣故事多所詳悉高祖入輔以師知爲中書舍人掌詔誥北史曰魏收兼中書舍人與溫子昇邢子才齊譽世號三才北齊書曰荀士遜世祖時爲中書舍人狀貌甚醜以文辭見用曾有事須奏值世祖在後庭因左右傳通者不得士遜姓名乃云醜舍人世祖曰必士遜也看封題果是內人莫不忻笑

冊府元龜曰顏之推武成時爲中書舍人帝時有取索嘗令中使傳旨之推稟承宣告館中皆受進止所進文章皆是其封署於進賢門奏之待報方出兼善於文字監較繕寫處事勤敏號爲稱職隋書曰虞世南拜內史舍人煬帝即位顧遇彌隆祕書柳顧言博學有才罕所推許至是與世南相見歎曰海內當共推一人非吾儕所及也唐書曰顏師古遷中書舍人專掌機密於時軍國多務凡有制誥皆成其手師古達於政理冊奏之工時無及者又曰楊炎爲中書舍人與常袞並掌綸誥袞長於制書炎善爲德音開元以來言詔制之美

者號揚常焉 又曰王徽曾祖擇從擇從兄易從天后朝登進士第從弟朋從言從睿宗朝並以進士擢第昆仲四人開元中三至鳳閣舍人故時號鳳閣王家 又曰齊澣開元中遷中書舍人論駁書詔潤色王言皆以古儀謨誥為準的侍中宋璟中書侍郎蘇頲並重之又曰薛元超道衡孫也為中書舍人中書省有一磐石初道衡為內史侍郎嘗踞而草制元超每見此石未嘗不泣然流涕 又曰賈曾授中書舍人曾以父名忠固辭乃拜諫議大夫至開元初復拜中書舍人又固辭議者以為中書是曹司名又與曾父音同字別於禮無嫌

乃就職與蘇晉同掌制誥皆以詞學見知時稱蘇賈又曰許景先轉中書舍人中書令張說稱曰許舍人之文雖無峻峰激流嘶絕之勢然屬詞豐美得中和之氣實一時之秀也 冊府元龜曰徐浩天寶末為中書舍人傳位誥冊皆浩為之參掌兩宮文翰寵遇罕比 又曰張說為鳳閣舍人歷黃門中書侍郎弘文館集賢院學士掌文翰之任凡三十年 說子均均俱能文說在中書均均兄弟並掌翰翰之任 又曰張九齡為司勳員外郎時中書令張說與九齡同姓敘為昭穆尤親重之常謂人曰後來詞人稱首也俄拜中書舍人 唐書曰郗高卿為中書舍人處事

不問爲宰相元載所忌魚朝恩署牙將李琮爲兩街功德使琮暴橫於銀臺門毀辱京兆尹崔昭高卿立詣元載抗論以爲國恥請速論奏載不從高卿遂以疾辭居東洛凡十年自號伊川田父清名高節稱於天下又曰高郢掌誥累年家無制草或曰人皆留制集公焚之何也曰王言不可存私家時人重其慎密冊府元龜曰陸贄爲中書舍人母卒持喪於河南豐樂佛寺四方以賻贈爲詞厚致金帛贄絲毫無所受惟與劔南節度使韋臯布衣友善臯以事奏聞每有所致輒稱詔以受之又曰韋處厚爲中書舍人時穆宗以幼主荒怠不

親政務旣居納誨之地宜有以啓道性靈乃詮擇經義雅言以類相從爲二十卷謂之六經法言獻之又穆宗詔曰中書舍人故事分押六司佐宰臣判按廢革日久頓復稍難宜漸令條舉有須慎重者便令參議如關機密者且如舊唐書曰路隨敬宗初登極拜中書舍人有以金帛謝除制者必叱而却之曰吾以公事接私財耶終無所納冊府元龜曰高鉞爲中書舍人因諫敬宗以求理莫若躬親用示憂勤之旨帝深納其言賜綵五十匹唐書曰封敖爲學士拜中書舍人敖構思敏速語近而理勝不務奇澀武宗深重之嘗草賜陣傷

邊將詔警句云傷居爾體痛在朕躬帝覽而善之賜之宮錦 又曰崔郾轉中書舍人入思政殿謝恩郾奏曰陛下用臣為侍講卒歲有餘未嘗問臣經義實慙尸素有媿厚恩帝曰俟朕機務稍閒即當請益高鉞曰陛下意雖樂善既未延接儒生天下之人寧知重道帝深引咎賜之錦綵 五代晉史曰陳義長興中自舍人銜命冊公主於太原公主即帝后也帝深待之但訝其高岸人或有獻言於義宜陳一謳頌以稱帝之美可邀其異待者義曰人生貧富咸有定分未有持天子命違禮以求利既損國綱且虧士行義今生所不為也聞者無不嘉之

又曰天福五年詔曰六典云中書舍人掌侍奉進奏參議表章凡詔旨制敕璽書策命皆按故事起草進畫既下則署而行之古昔以來典實斯在爰從近代別創新名今運屬興王事從師古俾仍舊貫以輝前規其翰林學士院公事宜並歸中書舍人 五代漢史曰唐李昭以尚書郎出為蘇州刺史暮歲以中書舍人召還不拜謂宰輔曰省郎拜舍人以知制誥為次序便由刺史有玷綸闈非敢聞命乃以兵部郎中知制誥翌歲拜舍人受之 五代周史曰王延為中書舍人權知貢舉有崔頎者協之子也來應進士延將入貢院舊相盧文紀素

與協不睦謂延曰舍人以謹厚聞於時當求實才以副
公望慎毋以名下取士也延退而嗤曰盧公之言爲崔
頴也縱與其父不悅何至此耶卒以頴登甲科其仁而
徇公胥此類 冊府元龜曰後周申文炳太祖廣順初
爲中書舍人爲文典雅有訓誥之風 合璧事類曰宋
舊制執政除罷皆宣麻呂惠公弼因爭新法求去王安
石陰沮之乃使舍人院命詞蔡齊掌外制繳詞頭舉典
故論之安石勸上內批今後樞密罷更不宣麻 新書
樓攻媿集曰林大中遷中書舍人風裁如臺中時韓侂
胄來見大中接之無他語使人通問因願納交又笑却

之彭龜年抗論侂胄甚切有旨龜年除職與郡大中在
西掖樓鑰在瑣闥連名上疏又同繳奏 言行錄曰曾
肇元祐初遷中書舍人門下侍郎韓維面奏范百祿所
爲不正黜維知鄧州公不草制兩上章論之 周益公
集曰洪适除中書舍人內直如故方羽檄交馳書詔填
委或夜召或細札咨訪适獨當內外制時時奉詔言事
如乞防虞海道降詔親征多契聖心大用之意已定
朝野雜記曰宋時年未三十知制誥者蘇易簡二十六
吳元中二十七晏元獻宋宣獻王懿恪張安國皆二十
八王文正夏文莊二十 會要曰元豐七年詔起居郎

楊景略左司郎中錢勰並為中書舍人免試二人奉使高麗方還道並擢之又曰元祐元年起居舍人蘇軾擢為中書舍人直龍圖閣劉攽為中書舍人並免試

春明退朝錄曰父子掌誥宋初至熙寧元年凡九家李文正文正王安簡鼂文元錢希白梁莊肅呂中裕

宋敏求蘇儀甫

中書舍人三

原忠慎 儒素 晉中興書曰劉超字世踰遷中書舍人忠慎稱埋身清苦衣不重帛又曰徐邈字景山以東州儒素性好學尤善經傳烈宗始覽典籍招延禮樂之士後將軍謝安舉邈應選補中書舍人專在西省撰正五經音訓學者宗之每預顧問輒有獻替多所補益烈

宗甚愛之 **增四禁** 七制 上詳舍人一 晏殊類要唐制 慰勞制書發日敕教 蘇賈 常楊 西臺

右垣 新書除蘇轍制位處西臺實與 韓徐 楊陳 職

分紀李昇開國徐鉉以秘書郎直門下省書命精當頗 韓徐 楊陳 職

大雅同在西掖時謂之楊陳 斲窗 閉戶 職林楊滔

人時號斲窗舍人 翰苑新書至道中和蒙知制誥蒙之本

直中書每草詔必閉戶精思編計羣籍而後成沙洲表 求經藏碑詔蒙撰以賜之蒙遣願借佛書數千卷人傳 以為 薇省 松窗 後詩 預顧問 多補益 並詳 笑 出書命 善經傳 上詳忠慎注 掌文法 主呈

奏 荀勗集曰晉武帝時門下啓令史伊羨趙咸為中 設官部 對掌文法勗奏以為不可 下詳舍人一

合二職 由四戶 上詳通典 蕭景暢齊書云永明元

人各注一戶謂之四戶既總重權勢傾天下會元象失

度太史奏云宜修福讓之太尉王儉謂帝曰天文乘忤

此由四戶仍具舍人王文明等名奏之至梁除

通事二字直曰中書舍人掌文翰猶兼呈奏

五事 發十難 本傳高馮為中書舍人列上五事

平叔以便佞取容欲羅蘊處厚穆宗時為中書舍人時張

難以詰之帝乃知害民平叔始疎斥 垂訓誥 掌絲

綸元慎除中書舍人制能芟繁詞刻弊句使吾文章言

者莫敢爭能 下見後詩 白玉堂 青瑣闥 元和風 宰相器

九國志南唐韓熙載為和州司馬久之召為中書舍人

乃始親職制誥典雅有元和之風 下詳皆合機宜注

原 迴翔青瑣 典掌紫泥 以紫泥 封誥書

茲綸誥 啓迪厥命 潤色帝謨 出納絲綸 發揮

訓誥 書夙夜出納 朕命唯允 親奉聖旨 職司王言 職在禁

闡 典茲樞密 徐邈文儒 劉超忠慎 帖白 曾為代

言最 有應粹長 職林唐孫逖典詔誥為代言最而逖

不能也 本傳常袞文采 一人辦事 兩省獨直

雅瞻長於應粹譽重一時 九齡視其草欲易一字卒

要孫處約為中書舍人累年中令杜正倫奏請更授一

舍人與處約同知制誥高宗曰處約一人足辦我事何

須多也 本傳權德輿字載之為起居舍人歲中

花判事 六押分司 通鑑唐故事各省有軍國政事則

之五花判事 中選一人明練者知機密謂之解事舍

出納書命 潤色訓誥 宗除裴度中書舍人制 屢獻

謹言 當納諫諍 本傳蘇晉先天子嘉允 中書舍人 屢獻

設官部

備監頁山卷八十四

中書舍人

中書舍人充翰林書詔學士文宗便殿語及漢文恭儉
帝舉被曰此衣濯者三矣公權曰人主當進賢退不
肖納諫諍明賞罰衣
漸濯之衣乃小節耳 敷奏機辨 居官鯁正 本傳馬
王為中書舍人善敷奏機辨明銳動中事會時譽歸之
岑文本曰吾見周論事多矣一字不可加一言不可減
本傳宋璟為中 特報藥石 面賜金紫 上詳杜氏
書舍人居官鯁正 於軍中立聖政碑李絳以為不可許
憲宗初甚怒絳語不已上卒大開悟除絳中書舍人翌
日又面賜絳紫衣金魚上親為絳 一家書命 三世
擇良笏勉之曰爾時無易此心

掌制 唐大詔令楊嗣復除中舍制貞元中汝父為中書
舍人甚稱厥職令使汝繼書吾命成一家言堂構
國華在於此舉 職林唐李德 父子繼美 兄弟相
代 職林唐賈至天寶末為中書舍人肅宗即位於靈武
於朕冊文則卿之先父所為今朕以神器大寶付諸君
卿又當演誥累朝盛典出卿父子之手可謂繼美矣

鳳閣 舍人 推高綸省 式光禁職 又為學士制綸省推高
事煩而益密職久而彌精龍以正名式光禁職 鳳藻
騰文 龍池揮翰 文粹張鷟奏自可曳裾紫禁伏奏青
泥發彩宣鳳藻而騰文蘭檢浮香潤龍練而動色注內
禁地以青規畫故曰青規漢儀天子制誥以紫芝為泥
拾遺集為陳舍人遜紫芝為泥黃練為制救也 陳 雞
木深巖 龍練潤動 深巖 下見前鳳藻騰文注 回
五字妙 鼓三變文 襄休制詞云綸閣回五字之妙五
鼓三變之文 十年正任 一月遂罷 職官分紀張洎
潤色王度 帥燕王冀所薦首謁韓熙載一見待之如故舊謂洎曰
子好 中書舍人頊之韓主文柄洎亦擢第不十年間
設官部

本傳韋思謙二子承慶嗣立承慶解鳳閣舍人武后謂
嗣立曰爾父嘗稱二子忠孝今使卿兄弟自相代即拜
舍人 推高綸省 式光禁職 又為學士制綸省推高
事煩而益密職久而彌精龍以正名式光禁職 鳳藻
騰文 龍池揮翰 文粹張鷟奏自可曳裾紫禁伏奏青
泥發彩宣鳳藻而騰文蘭檢浮香潤龍練而動色注內
禁地以青規畫故曰青規漢儀天子制誥以紫芝為泥
拾遺集為陳舍人遜紫芝為泥黃練為制救也 陳 雞
木深巖 龍練潤動 深巖 下見前鳳藻騰文注 回
五字妙 鼓三變文 襄休制詞云綸閣回五字之妙五
鼓三變之文 十年正任 一月遂罷 職官分紀張洎
潤色王度 帥燕王冀所薦首謁韓熙載一見待之如故舊謂洎曰
子好 中書舍人頊之韓主文柄洎亦擢第不十年間
設官部

果正綸闈之任長編真宗祥符九年知制誥樂黃目
知開封初黃目召試上以黃日久任外官止試制誥二
篇入西閣不

一月遂罷

佛出世三人及第

朝延每除一舍

閣

明窗下草制詔其後第三人及第知制誥如夢云

閣

長壓角

給事等服

事設紫褥於庭面北拜廳閣長立

禱之東北方謂之壓角長宗袞作掖垣叢誌而不解其

事按唐舊書亦無聞焉唯襄廷裕正陵遺事云舍人上

帝顧見之曰給事舍人等耳而

服飾相絕如是始命犀帶佩魚

失却君房

見稱若

水

湘山野錄真廟時日本國入貢求本國神光寺記舍

人辭不工令學士張君房代之張退食多潛飲市樓

掖垣求之不得大窘時神放以司諫歸華山楊大年為

間慨云世上何人最號間司諫拂衣歸華山世上何

人最號世紫微失却張君房分純王旦拜右正言知

制誥父裕以清名久掌書命不十年且繼其任時論美

之錢若水有人倫鑒與之同列每曰王
君凌霄聳壑梁棟之材非吾所及也
經宿進碑

盡午授草

事略國朝初王祐拜中舍史館受詔撰普照

云曾輩擢中書舍人屬新官制遂掌書命於是更置百

官舊舍人無在者已試即入院方除目填委占紙肆書

初若不經意午漏盡授草院吏生馬去凡除郎御史數

十人所以本法意原職守而為之訓教者人人不同咸

有新趣而衍裕

聯飛仙掖

對草帝綸

並見

紫機

務重

香紙任隆

芝泥發彩

蘭檢浮香

下筆輒

成

揮翰如飛

長於制書

善為德音

並詳

論駁書詔

潤色王言

一時之秀

三代之風

許景先詳舍人二言行錄曾輩擢中書舍人不俟入

謝諭使就職時自三省至百執事選授一新除吏日至

數十人舉其職事以戒辭約義正論

動中事會

皆

者謂有三代之風上亦數稱其典雅

中書舍人

古

尚書

尚書

尚書

尚書

尚書

尚書

尚書

尚書

合機宜

詳敷奏機辨注 事文類聚云後周范質漢初加中書舍人周祖征三叛每朝廷遣使齎詔處分軍事皆合機宜周祖問誰為此詞 紫微閣下 紅

藥階前

黃閣登賢

紫微寓直

藥省代言

楓宸

錫命

寵波龍綸

擢升鳳掖

趨翔文陛

陪扈屬

車

原

當昭明之朝

居清切之地

當若日之朝

掌如綸之詔

王言如絲其出如白帖

曾

抑中人進官

繳內

侍升職

行狀胡銓兼中書舍人有旨以中入李綽等嘗典發軍書無誤各進官一列公不奉詔綽等泣

封還詞頭遇事輒發張子仁建節陳源除內侍省押班

訴上曰胡銓不肯行狀陳傳良字君舉除中書舍人

率逢原升都統源供職自如而詞命不行終不得俸逢

原先被宣詞已自書銜公執奏再三終不奉詔此二事

無敢嬰其鋒者傳良神色不動

熙寧三舍人

元豐

來則總奏旁觀者為之寒心

熙寧三舍人

熙寧三舍人

熙寧三舍人

元豐

二奉使

國史本傳李定除御史宋敏求蘇頌相繼封還詞命至呂大臨亦還之世稱為熙寧三舍人

下見舍

裁五色之詔

序兩省之班

詞頭

不草宦者除制

會要王巖叟除中書舍人滕元發自太原易許昌巖叟封還詞

頭言今以走馬承受一言便易詞頭此風度長非委任

又云劉敞知制誥宦者石全彬正

除觀察使敬封還詞

又云劉敞知制誥宦者石全彬正

分曹一直於紫微

聯步亟趨

頭不草制其命遂止

又云劉敞知制誥宦者石全彬正

分曹一直於紫微

聯步亟趨

於丹陛

北門視草謂當進學士之班

西掖拜真聊

復示舍人之樣

俱新

復示舍人之樣

俱新

復示舍人之樣

俱新

俱新

中書舍人四

中書舍人四

中書舍人四

中書舍人四

中書舍人四

曾文敏

分紀前蜀庾階進中書舍人時署百

文速

文速

文速

梁襄子野掌誥或問其為文速者子

中舍相待

舊唐

中舍相待

舊唐

野答曰人皆成於手我獨成於心

中舍相待

舊唐

中舍相待

舊唐

設官部

中書舍人

中書舍人

中書舍人

中書舍人

貞觀初高麗百濟同伐新羅連兵數年不解新羅遣使告急乃假朱子奢員外散騎侍郎充使太宗謂曰海夷頗重學問卿為大國使必勿藉其束脩分口占授職

為之講說使還稱旨當以中舍相待不見便思書曰

吏六人善職而敏速或策令叢遽救無不中太宗嘗曰我於馬周暫不見則便思之

清暑賦職林崔仁師太宗時幸翠微宮給食政事堂

百官志曰以久次者一人為閣老判本省雜事又一

一朝大手蘇頌大詔令武德及開元中有顏侍郎陳叔達

文陣雄帥謂本傳唐蘇頌工文辭九齡嘗覽頌文卷

也雄帥不裁一言天中記曰蘇頌之後瞻無敵真文陣之

宿老本傳唐李嶠字巨山為鳳閣舍人文冊大號令多

崔融蘇味道齊名晚諸人歿而三世掌書曰唐張嘉

為文章宿老一時學者取法焉之後與議事正出其上

弘靖三世掌書命又唐徐堅祖孝德父齊聃及堅三世

孫三世為舍人皇朝衣冠無以爲比又徐嶠父子自祖及

委之方慶嘗稱曰鳳閣舍人樣王言之最天中記曰孫

四年拜中書舍人制敕所出為時流歎服議者以為自

開元以來蘇頌齊澣蘇晉賈曾許景先及遜為中書舍人

親禮之每所訪逮嘗曰 思若湧泉 本傳蘇廷碩為中

古事問仲舒今事問琳 書舍人時父壞為中

中書門下三品父碩在太極後閣口所授功狀百緒輕

重無差書吏白曰舍人公徐之不然 洛出寶圖頌 翰苑

手腕脫矣李嶠曰舍人思若湧泉 雖大

召朝廷大手筆多舍人融為文華婉當時未有輩 雖大

政事堂門中書通典曰故事政事堂有門蓋宰相時適

相塞絕其門以示 不復坼六曹之奏 孔帖曰肅宗即

尊舍人相往來 不復坼六曹之奏 文詞贍給

尚書右丞明皇傳位詔冊皆浩 求降外官增父秩 帖

職官分紀唐徐浩肅宗時拜中書舍人時天下事殷詔

令多出於浩浩屬詞贍給又工楷隸肅宗悅其能加兼

為之參掌兩宮文翰寵遇莫比 求降外官增父秩 帖

曰孫遜遷中書舍人是時父嘉之月八寸猶為令遜

求降外官增父秩帝嘉納拜嘉之宋州司馬聽致仕

文思溫雅 職官分紀唐王仲舒自職方郎中知 文有

古風 行狀王仲舒穆宗立每言仲舒之文可喜最宜為

不樂曰豈可復置 閣老 本傳唐楊綽為中書舍人故

筆研於其間哉 閣老 本傳唐楊綽為中書舍人故

解雜料獨取五之 人物精鑒 本傳裴均為中書舍人

四至縮悉均給之 人物精鑒 本傳裴均為中書舍人

言此日人物吾憎不及知若精鑒為我 罷統軍用麻

孔帖曰鄭綱德宗自興元置六軍都統視六尚書以

處功臣寶文場恃功陰風宰相進擬如統軍比細當制

奏言天子封建或用宰相以白麻書制付中書門下今

更命申書作詔 叔姪對掌 翰苑新書曰封氏自太和

并罷統軍用麻 叔姪對掌 世居兩制舜卿從子德昭

中書舍人 文宗謂之曰極知舍人不合作諫議大夫知制誥

言事有諍臣風采也翌日降制以諫議大夫知制誥

與三代同風 孔帖元稹沈傳師授中書舍人制煥有文

語勤亦至矣 同 詔令嚴促皆又草定 中書舍人李義遷

之變認令嚴 文字首選 中書舍人凡朝延文字之職

促皆又草定 平處可否 孔帖曰會昌末宰相李德裕建議

無不首 同舍服能 敏速初無思慮揮翰如飛文理俱極

處可 同僚共推 著三足記 職林唐盧景亮嘗謂人君

否 同舍服 同僚共推 通十年討徐方書詔旁午收斂翰

其能 泉湧動筆推之 著三足記 足食足兵而又得士天下

同僚閣筆推之 著三足記 賜不分遺 周史漢鍾允

可為也乃自軒轅以來至唐 賜不分遺 章授中書舍

撥治道之要著書名三足記 賜不分遺 章授中書舍

人性吝嗇歲獲賜賚甚厚然未嘗分遺故人其妻率氏

有賢行嘗語允章曰妾昔事君子家無釜鬻尚且接待

朋友今寶貨盈室而義路榛塞 賜宴和詩 職官分紀

雖富且貴何足尚也允章大慙 賜宴和詩 太宗留心

儒術旌賞文翰時綸閣之士始賜赴曲 出領外藩 朝

宴或令和詩舍人從遊宴自此始也 出領外藩 朝

會宴雍熙四年以右補闕知制誥范景為工部 親篆

郎中知京兆府知制誥出領外藩自是始也 親篆

榜閣 仁宗實錄實元年七月新作舍人閣上親篆其

中書舍人請復古制 外制 嚴西垣清要 宰相判

建紫微閣於西省 外制 嚴西垣清要 宰相判

官 翰苑新書曰曾肇為中書舍人前王嚴叟言肇凡材何

以稱職呂陶亦言中書舍人前世推重為宰相判官

豈可 文章獨步 言行錄王禹偁能屬文太宗方獎拔

序 王禹偁文章當今天下獨步 不試而命 錄國朝之制

為 王禹偁文章當今天下獨步 不試而命 錄國朝之制

必先 王禹偁文章當今天下獨步 不試而命 錄國朝之制

纔 王禹偁文章當今天下獨步 不試而命 錄國朝之制

詔 王禹偁文章當今天下獨步 不試而命 錄國朝之制

七字舍人

詩然喜自貴重見賓客不及數言時號七

字舍

有試不除

惟石林燕語執事官宰相得旨朝退遣直省

官召詣都堂而傳旨召試被命者致辭承相謝之直省

少頃本省吏房主首持丞相封題目來即就試中書具

食罷侍郎致茶果是日宰相住省俟納卷始就試馬翌日

過期或為留內門然已不稱職矣嘉祐間有試而不除

改天章閣獻皇極箴職官分紀治平元年知制誥

待制者立馬一揮皇子公主九人做將下直為之立馬却坐一

揮九制數賜燭歸院夫解對內東門小殿命草吳奎

有西漢風新書王珪知制誥其有元白風新書謝絳

知制誥文章典

訓誥程範

新書宋敏求知制誥

詞激烈新書朱晦菴集劉琪兼中書舍人會金人俞盟

出珙手詞氣激烈參典王命之官於今號為清選

首聞萬機之微初察行張叔夜制內史列屬西省首聞

後省振職中書舍人輔臣奏自來無翰林學士仍兼

給舍繳駁施行者皆封付三省泰頃提舉太平宮適奏

秦檢欺天盜權戕害忠直當錮其子孫即時御筆依奏

乃封付適明日召對上曰所論甚當異日有繳奏只批

須臾章不內史未行而議除蘇軾制政令之出公卿

方其未行內史舍人得聞其議與其始除僉樞野

既行而後言孰若未行而議之哉

中書故事始自中書舍人除僉書樞密院事稱三字

蔣子禮蒞始自中書舍人除僉書樞密院事

設官部

詞林典故卷八十四

陳后山詩曰一官早要稱
三字謂知制誥也

中書舍人五

贈詩 梁范雲贈王中書融古意詩曰攝官青瑣闥遙望
鳳皇池誰云相去遠脈脈阻光儀岱山饒靈異沂水富
英奇逸翻凌北海搏飛出南皮遭逢聖明後來棲桐樹
枝竹花何莫莫桐葉何離離可棲復可食此外亦何爲
豈知鷓鴣者一粒有餘貲 **原唐**上官儀酬薛舍人萬
年宮晚景寓直懷友詩曰奕奕九成臺窈窕絕塵埃蒼
蒼萬年樹玲瓏下冥霧池色搖晚空巖光斂餘煦清切
丹禁靜浩蕩交河注留連窮勝託風期揆善詭東望安

仁省西臨子雲閣長嘯披煙霞高步尋蘭若金狄掩通
門雕鞍歸騎喧燕姝對明月荆豔促芳尊別有青山路
策杖訪王孫 張文琮和楊舍人詠中書省花樹詩曰
華萼映芳叢參差間早紅因風時落砌雜雨乍浮空影
照鳳池水香飄雞樹風豈不愛攀折希君懷袖中 徐
彥伯贈劉舍人古意詩曰女牀闕靈鳥文章世所希巢
君碧梧樹舞君青瑣闥或言鳳池樂撫翼更西飛鳳池
環禁林仙閣靄沈沈璇題激流日珠綴繇清陰郁穆絲
言重熒皇台座深風張丹祀翮月弄素琴音雙彩結不
散孤英跂莫尋浩歌在西省經傳恣潛心 **增**古詩曰

設官部

州縣類函卷八十四

中書舍人

二十一

紫泥初熟詔書成紅藥翻階畫影清屋瓦生煙宮漏永
時聞幽鳥自呼名 又上李舍人西掖詩曰西掖深沈
大帝居紫微西省掌文書天閣啓鑰趨朝後侍史焚香
起草初 又簡同省三舍人曰太微西掖鳳池邊西閣
凌空爲起煙彩筆時批尺一詔直廬深在九重天 又
和宗人賀曰分班曉入翔鸞掖直閣旁連浴鳳池彩筆
間批五色詔好風時動萬年枝 又賀李舍人曰拜命
大西垣偏承聖主恩黃扉陪漢相彩筆代堯言 唐徐
彥伯同韋舍人早朝詩曰夕轉清壺漏晨趨長樂鐘透
迤綸禁客假寐守銅龍 鄭愔同韋舍人早朝詩曰瑞

闕龍居峻宸庭鳳掖深才良寄天綽趨拜侶朝簪 沈
佺期同韋舍人早朝詩曰一經傳舊德五字擢英才儼
若神仙去紛從霄漢迴 賈至早朝大明宮呈兩省僚
友詩曰劔佩聲隨玉墀步衣冠身惹御爐香共沐恩波
鳳池上朝朝染翰侍君王 杜甫和賈舍人詩曰朝罷
香煙攜滿袖詩成珠玉在揮毫欲知世掌絲綸美池上
於今有鳳毛 沈東美奉和范舍人宿直曉翫新池詩
曰傳聞閭闔裏寓直有神仙史爲三墳博郎因五字遷
晨臨翔鳳沼春注躍龍泉去似登天上來如看鏡前影
搖宸翰發波淨列星懸旣濟仍懷友流謙欲進賢彈冠

聲實貴覆被渥恩偏溫室言雖阻文場契獨全玉珂光
赫奕朱紱氣蟬聯興逸安仁賦名高謝朓篇青雲仰不
逮白雪和難牽苒苒胡爲此甘心老歲年 白居易詩
曰絲綸閣下文章靜鐘鼓樓中刻漏長獨坐黃昏誰是
伴紫薇花對紫微郎 褚朝陽奉上徐中書詩曰中禁
仙池越鳳皇池邊詞客紫微郎既能作頌雄風起何不
時吹蘭蕙香 王建詩曰綠松窗對鳳池開履迹衣香
徧上台天意皆從彩毫出宸心盡向紫煙來非時玉案
呈宣旨每日金階謝賜回 錢起同程九早入中書詩
曰臘雪初明百子殿春光欲上萬年枝獨慙皇鑒明如

日未厭春光向玉墀 韋應物寄中書劉舍人詩曰雲
霄路竟別中年跡暫同比翼趨丹陛連騎下南宮佳詠
邀清月幽賞滯芳叢迨予一出守與子限西東晨露方
蒼蒼離抱更沖沖忽睹九天詔秉綸歸國工玉座浮香
氣秋禁散涼風應向橫門度環珮杳玲瓏光輝恨未矚
歸思坐難通蒼蒼松桂姿想在掖垣中 皇甫曾奉寄
中書王舍人詩曰腰金載筆謁承明至道安禪得此生
西掖幾年綸綍貴東山遙夜薜蘿情風傳刻漏星河曙
月上梧桐雨露清聖主好文誰爲薦閉門空賦子虛成
溫庭筠西掖謁所知詩曰赤墀高閣自從容玉女窗

扉報曙鐘日麗九門青瑣闥雨晴雙闕翠微峰毫端蕙
露滋仙草琴上熏風入禁松荀令鳳池春晚晚好將餘
潤變魚龍 鄭谷獻制誥楊舍人詩曰爲郡東吳祇飲
水瑣闥須降鳳書徵隨行已有朱衣吏伴直多招紫閣
僧 吳融薛舍人見徵恩賜香餅二十八字同寄詩曰
往歲知君侍武皇今來何用紫羅囊都緣有意重熏裛
更灑江毫上玉皇 李中獻中書張舍人詩曰持憲威
聲振司言品秩清簾開春酒醒月上草麻成丹陛凌晨
對青雲逐步生照人裴玉瑩鑿物憲波明下直無他事
閒遊恣逸情 羅隱鄭州獻盧舍人詩曰海槎閒暇閭

風輕不是安流不肯行雞省露濃湯餅熟鳳池煙暖詔
書成 宋楊億李舍人獨直詩曰閣鳳巢高拂綵霓玉
芝香雜武都泥十行漢札如絲出六幕堯天倚杵低露
井冰銷垂素綆仙莖日轉射璇題赫蹏雲落知誰見餘
力何妨頌碧雞 王安石題中書院壁詩曰夜開金鑰
詔詞臣對御抽毫草聖恩須信國家重儒術一時同榜
用三人 劉筠李舍人獨直詩曰卿霽重重覆壁門獨
揮鴻筆坐西垣誠明自有中和氣潤色還多郁穆言內
苑朱櫻和酪賜前階紅藥任風翻紫絲新履回翔地應
笑東方避世喧

增制唐蘇頲行齊澣紫微舍人制曰運心孤邁懷器獨立屬詞每窮其雅實臨事益表其甄明故能早負聲猷備經推擇左曹駁議常接於雙遊右掖詞言佇光於五字白居易行鄭涵中書舍人制曰藻履堅明雄文炳蔚虛懷宏達雅思沖深立言嘗見其著誠秉志頗聞其經遠夫澄其源者必清其流端其本者必正其末其便蕃禁掖潤色王猷君不可以私其人臣不可以虛其受簡材既困於朕志當官爰俟於爾能其有嘉聞以光茂選崔嘏行李訥中書舍人制曰彰施帝載潤色王猷朝出九重夕馳四表必資其金相玉立之器懷其騰蛟

吐鳳之才以發揮人文流布天澤又行裴諗中書舍人制曰居禁密之地聞善則遷當演綸之工有勞斯陟此所以光吾侍從榮彼搢紳裴諗閒澹自居嚙浮不染自擢居內署掌茲制命謹密無曠馨香有聞問對備見其一心敏捷共推其七步爰因滿歲授以正名爾宜思弘用以致君勵精誠而正己慎爾聞見奉吾周旋劉崇望行翰林學士鄭延昌守本官兼中書舍人制曰影纓著稱夢筆爲文富以美才披其禁闥典由中之詔成布下之言方謂得人雅當入侍蓋聞羊祜議謀是草皆焚周仁重厚其言不泄親近之地慎密爲先西省亦吾

洪錫英四卷八十四
教誥之地戒之可矣 薛廷珪授膳部郎中知制誥錢
翊守中書舍人制曰爾掌綸誥時推得人觀其書詞負
絕塵滓褒貶盡春秋之要旨指歸波訓誥之源流傳聞
四方平視三代而秉守甚正韜藏有程介然獨行卓爾
清峙閱爾之能事多矣聆爾之嘉猷藹然俾即真秩斯
為舊章

增啓洪平齋賀中書曾禮侍啓曰晉貳春官仍躋內史
紫荷挈處光搖萬玉之班紅藥翻時風動五花之判有
國所重斯文之榮某官鼂董聲名伊臯事業天子期以
壯行之未艾國人恨其大用之猶遲方聞批敕尾之風

又見還詞頭之舉新人文之制作妙儲德之調成況紫
微閣下之黃昏正瑞柳庭前之春色命自天而三錫材
與地以雙清 楊誠齋賀黃祕監除中書舍人啓曰中
宸渙號內史升賢三神在海上之山久勤攝領一佛出
人間之世遂見真除綸綍有光紳綏胥慶某官材猷膚
碩學術醇深探周情孔思之微淵源千載發宋豔班香
之祕膾炙四方親結龍宸之知幸新鳳閣之樣辭達而
已矣要必見聖人之情才難不其然蓋欲極天下之選
得君為重緯國以文好對紫微草尺書而招贊普却登
黃閣提寸筆以福蒼生

增書歐陽修回鄭錢二舍人書曰顯奉制恩陞華禁掖
誕膺聖選式協輿談朝廷之體深嚴王者之居淵默德
澤宣布必使入人心之深號令發揮而能鼓天下之動
惟是代言之任實資博古之英某官履行敦方材猷敏
茂藹一鄉之佳譽掩衆俊以名科通達古今固已優游
於儒學出入侍從是宜顧問於清閒果被僉俞兼司典
訓竦萬方之視聽追三代之文章遂陞榮塗益奮賢業
共慶得人之盛方深竊抃之私

增墓碑張說西臺舍人贈泗州刺史徐齊聃碑詞曰王
言惟令中禁是司帝嘉文父曰汝宜之終溫且惠習禮

明詩長裾入侍大筆修辭鴻業潤色元黻緝熙昊天大
戾君子明彝蒼梧起手涅而不緇中興受命逝者無追
靈符泗水崇贈先師髣象精魄丕承聖期教延子貴榮
躋父慈學嗣三葉才俱一時春秋孝念霜露深思後之
視昔斯文在茲

主書

原杜氏通典曰晉中書有主書之員本用武官宋改用
文史齊於中書置主書令史陳置主書而去令史之名
後魏又爲主書令史置八人北齊置主書十八人北齊初曰
主書令史文宣帝嘗立遺主書令史題署其上隋復加
設官部
曰但著主書不煩著令史字自此除令史字

令史唐又除之

通事舍人一

原杜氏通典曰通事舍人昔堯試命舜賓於四門蓋今

任也秦置謁者漢因之掌賓贊受事員七十人選孝廉

年未五十威容嚴恪能賓贊者為之燕太子使荆軻劫

間其後謁者持匕首刺腋漢有僕射冠高山冠言其矜

高帝假武修文故易之以版後漢謁者僕射

故以高山為號終軍為謁者使行郡國後漢謁者僕射

建節出東關關吏識之曰此棄繻生為謁者臺士主銅印青綬天子出掌奉引謁者僕射見

無敬謁者謁者三十人漢官儀又曰謁者初上官稱曰

見執版拜謁者三十人漢官儀又曰謁者初上官稱曰

灌謁者滿歲稱給事胡廣云灌者明章二帝服勤園陵

灌者習所職也應奉曰高帝承秦禮儀多闕灌嬰服事

七年號大謁者後人掌之以姓灌章列於漢書也雷儀

為灌謁者使持節督郡國行風和帝代陳郡何熙為謁

者僕射贊拜殿中音動左右然則又掌謁贊漢舊儀曰

郎中美鬚眉大音者以補之二漢隸光祿勳後漢又有

功次當遷欲留增秩者許之兵騎千人復除其重謁者任輕多放情態順帝改用府

光武以幽并兵騎定天下故於黎陽立營以謁者監之

者遷超牧守焉魏置僕射掌大拜授及百官班次統謁

者十人及晉武省僕射以謁者并蘭臺江左復置僕射

後又省宋武帝大明中復置僕射一人職與魏同亦領

謁者十人掌小拜授及百官報章齊因之梁謁者臺僕

射掌朝覲賓饗之事屬官謁者十人掌奉詔出使拜假

謁官部

謁官部

謁官部

謁官部

謁官部

謁官部

謁官部

謁官部

朝會賓贊功高者一人為假史掌差次謁者陳亦有之
後魏北齊謁者臺掌凡諸吉凶公事導相禮儀僕射二
人謁者三十人隋煬帝增置謁者司隸二臺并御史為
三臺謁者臺有大夫一人掌受詔勞問出使慰撫持節
策授及受冤枉而申奏之駕出御史引駕領議郎以下
官屬官有丞主簿錄事等尋詔門下內史御史司隸謁者五司監
受表以為恒式不復專謁者矣初魏置中書通事舍人
官其後歷代皆自然非今任隋初罷謁者官置通事舍
人十六員承旨宣傳開皇三年又增為二十四員及煬
帝置謁者臺乃改通事舍人為謁者臺職謂之通事謁

者置二十人又於建國門外置四方館以待四方使者

隸鴻臚寺

煬帝置四方館東曰東彝使者南曰南蠻使者西曰西戎使者北曰北狄使者各一人掌

其方國及互市事

唐廢謁者臺復以其地為四方館改通事謁者為通事舍人掌通奏引納辭見承旨宣勞皆以善辭令者為之隸四方館而又屬中書省

續文獻通考

曰遼通事舍人院屬門下省官置通事舍人金閣門通事舍人屬宣徽院官二員掌通班贊唱承奏勞問之事元不設以其事歸典儀明設翰林院提督四彝館內有各國通事少卿一員主之

通事舍人二

增冊府元龜曰梁任孝恭為中書通事舍人而性頗自
伐以才能尚人於流輩中多所忽略世以此少之又
曰孝恭為通事舍人敕遣製建陵寺刹下銘又啓撰高
祖集序文並富麗自是專公家筆翰又曰陳蔡景歷
高祖初為中書通事舍人掌詔誥景歷屬文不尚雕靡
而長於敘事應機敏速為當世所稱又曰南齊劉係
宗為中書通事舍人久在朝省爛於職事明帝曰學士
不堪治國唯欠讀書耳一劉係宗足持如此輩五百人
又曰唐崔敦禮為通事舍人辨於詞令容止閒雅見
者美之又曰姜柔遠為通事舍人美容儀善敷奏

又曰李若水容貌甚偉為通事舍人在館三十年多識
舊儀每宣勞贊導周旋俯仰有可觀者

淵鑑類函卷八十四

